



**ՄԱՅՐ ԱՅԿԱՆ ՍՈՒՐԲ ԷԶՍԻԱՃՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ**

ԸՆԴՈՒՆԵԼՈՒԹՅՈՒՆՆԵՐ ՎԵՇԱՐԱՆՈՒՄ Ամենայն Հայոց Կաթողիկոսն ընդունեց

10 հոկտեմբերի

**ԲՈՒՆՆՈՍ ԱՅՐԵՍԻ ՄԻՍԻԹԱՐԻԱՆ ՎԱՐԺԱՐԱՆԻ
ՍԱՆՆԵՐԻՆ**



Մայր Աթոռի լուսարարապետը Նորին Սրբությանը ներկայացրեց նորածն հոգեւորականներին՝ հայցելով Հայոց Հոգևորականության օրհնությունն ու պատգամը: Այս առիթով իր ուրախությունն արտահայտեց նաև ձեռնադրող Առաքել արքեպիսկոպոսը՝ նորածններին մաղթելով բարի հովվական առաքելություն:

Ողջունելով քահանա հայրերին՝ Ամենայն Հայոց Կաթողիկոսը գոհություն հայտնեց երկնավորին, որ նոր մշակներ է հասցնում Հայոց եկեղեցուն: Նորին Սրբությունը, ընդգծելով հոգեւորականի դերակատրոսը կարեւորությունը, մշեց, որ բազմաթիվ համայնքներ դեռ սպասում են իրենց հոգեւոր հովիվներին: Վեհափառ Հայրապետը հույս հայտնեց, որ քահանաները հաստատուն կլինեն իրենց

հովվական գործունեության մեջ եւ իրենց արդյունավետ ծառայությամբ կնպաստեն ժողովրդի հոգեւոր կյանքի պայծառությանը եւ եկեղեցու շենացմանը:

Ամենայն Հայոց Կաթողիկոսն իր գնահատանքը բերեց ձեռնադրող Առաքել արքեպիսկոպոսին՝ իր ստանձնած պարտականության համար, ինչպես նաև լուսարարապետ Հովնան սրբազանին, ում հոգեւոր տեսչության ներքո քահանաներն իրենց սարկավազական ծառայությունն էին բերում մինչ ձեռնադրությունը:

Նորընծաների անունից Սիոն քահանա Հարությունյանը երախտիքի խոսք ուղղեց Նորին Սրբությանը՝ խոստանալով արդարացել Հայոց Հայրապետի հույսերը եւ անսակարկ ծառայել երկնավոր Տիրոջը եւ հայ ժողովրդին:

ՀՀ-ում ԱՄՆ-ի դեսպանին

Ամենայն Հայոց Կաթողիկոսը հանդիպում ունեցավ դիվանագիտական առաքելությունը Հայաստանի Հանրապետությունում ավարտող Ամերիկայի Միացյալ Նահանգների արտակարգ եւ լիազոր դեսպան Ռիչարդ Միլսի հետ:

Ամենայն Հայոց Կաթողիկոսը գոհունակությամբ անդրադարձավ ԱՄՆ-ի ժողովրդի եւ

հույս հայտնեց, որ ԵԱՀԿ Մինսկի խմբի ջանքերով եւ միջազգային հանրության զորակցությամբ խնդիրը կգտնի իր խաղաղ լուծումը, եւ կերաշխավորվի մեր ժողովրդի ազատ, անկախ կյանքը մեր պատմական Արցախ աշխարհում: Այս առիթով Նորին Սրբությունն իր գնահատանքն արտահայտեց հակամար-

Ն. Ս. Օ. Տ. Տ. Գարեգին Բ Շայրագույն Պատրիարք եւ Ամենայն Հայոց Կաթողիկոսն ընդունեց Բունոս Այրեսի (Արգենտինա) Միսիթարյան վարժարանի մի խումբ սաների՝ առաջնորդությամբ Հայաստանում Միսիթարյան կենտրոնի տնօրեն հայր Եղիա վրդ. Քիլադայանի:

Նորին Սրբությունն իր հայրական սերն ու օրհնությունը բերեց պատանիներին՝ ուրախություն հայտնելով համայն հայության նվիրական սրբավայր այցի առիթով:

Արգենտինացի ուխտավորների հետ զրույցում Վեհափառ Հայրապետը գնահատանքով անդրադարձավ Միսիթարյան վարժարանի ուսուցիչների նվիրյալ եւ նախաձեռնողի աշխատանքին եւ նկատեց նաև, որ հայրենիք այցն ավանդույթ է դառնում՝ նպաստելով,

որ Հայաստանին միայն դասագրքերից ծանոթ աշակերտներն իրականում հաղորդ դառնան հայ ժողովրդի սովորույթներին ու սրբություններին: Վեհափառ Հայրապետը վստահություն հայտնեց, որ այցը հավասարապես խանդավառությամբ պիտի լցնի վարժարանի ոչ միայն հայ, այլև օտարազգի սաների հոգիները:

Ամենայն Հայոց Կաթողիկոսի հետ զրույցում պատանի ուխտավորները նաև պատմեցին իրենց տպավորությունների մասին, տեղեկություններ փոխանցեցին իրենց կրթական հաստատության, հետաքրքրությունների եւ ընտանիքների վերաբերյալ:

Նորին Սրբությունը սաներին մաղթեց բարի կեցություն, ուրախ, ոգեշնչող եւ հոգեւոր ապրումներով հարուստ օրեր Հայաստանում:

Նորածն եկեղեցականներին



Ամենայն Հայոց Կաթողիկոսն ընդունեց հոկտեմբերի 7-ին Կեչառիսի վանքի Ս. Գրիգոր Լուսավորիչ առաջնորդանիստ եկեղեցում քահանայական ձեռնադրության արժանացած 7

քահանաներին՝ ուղեկցությամբ Կոտայքի թեմի առաջնորդ Առաքել արք. Քարամյանի եւ Մայր Աթոռ Ս. Էջմիածնի լուսարարապետ Հովնան եպս Զակարյանի:



իշխանությունների կողմից երկրին բերած մշտական զորակցությամբ, հայ-ամերիկյան հարաբերություններին՝ գնահատելով նաև դրանց ամրապնդման եւ զարգացման գործում դեսպանի ներդրած ջանքերը: Վեհափառ Հայրապետն ընդգծեց, որ Հայաստանում պաշտոնավարման տարիներին դեսպանն ակամատես եղավ պատմական մի շարք իրադարձությունների:

Իր հերթին ԱՄՆ-ի դեսպանը, ուրախություն հայտնելով Հայաստանում իր ծառայությունը բերելու առիթով, մշեց, որ թողնում է երկիրը՝ նրա ապագայի համոզել մեծ հույսերով: Պրն Միլսը գոհունակությամբ հաստատեց, որ այս տարիներին հնարավորություն է ունեցել ճանաչելու հայ ժողովրդին, ավելին իմանալու ժողովրդի կյանքում Հայոց եկեղեցու կարեւոր դերի եւ պատասխանատվության մասին, ինչպես նաև ծանոթանալու ազգային ավանդույթներին եւ սովորություններին:

Հանդիպման ընթացքում Վեհափառ Հայրապետը, անդրադառնալով դարաբաշխում հակամարտությանը եւ սահմանին արձանագրվող անցանկալի միջադեպերին, որոնց հետեւանքով երիտասարդ կյանքեր են ընդհատվում,

տության խաղաղ կարգավորմանն ի նպաստ, Մինսկի խմբի շրջանակներում, ԱՄՆ-ի կողմից գործադրվող ջանքերի կապակցությամբ:

Ամենայն Հայոց Կաթողիկոսը մտահոգությամբ խոսեց նաև երկրի առջեւ ծառացած մարտահրավերների, մասնավորապես՝ տոցիալ-տնտեսական կյանքի մասին: Անդրադառնալով ներքաղաքական իրավիճակին՝ Հայոց Հայրապետը հույս հայտնեց, որ կգտնվեն բարվոք լուծումներ փոխհասկացողության ոգով եւ երկխոսության ճանապարհով: Նորին Սրբությունը շեշտեց, որ հայ ժողովուրդն իր քրիստոնեական հավատի շնորհիվ լավատեսությամբ է մշտապես հաղթահարել կյանքի դժվարությունները եւ արձանագրել բարի արդյունքներ:

Զրույցի ընթացքում Ամենայն Հայոց Կաթողիկոսն ու ԱՄՆ-ի դեսպանն անդրադարձան նաև Նյու Յորքի «Մետրոպոլիտեն» թանգարանում կազմակերպված «Հայաստան» ցուցահանդեսին՝ բարձր գնահատելով կատարված աշխատանքը:

Վերջում Վեհափառ Հայրապետը հաջողություններ մաղթեց դեսպանին՝ հետագա իր ծառայության մեջ:

ԸՆԴՈՒՆԵԼՈՒԹՅՈՒՆՆԵՐ ՎԵՇԱՐԱՆՈՒՄ ԱՄԵՆԱՅՆ Հայոց Կաթողիկոսն ընդունեց

Կանադայի վարչապետին



10 հոկտեմբերի

Հնդկաստանի բուժման մեկնող երեք զինվորականներին

Ամենայն Հայոց Կաթողիկոսն ընդունեց հայրենիքի պաշտպանության համար ռազմական գործողությունների հետեւանքով հաշմանդամություն ստացած երեք զինվորականներին՝ ուղեկցությամբ ՀՀ ԶՈՒ հոգեւոր առաջնորդ Վրթանես եպս Աբրահամյանի: Նրանք առաջիկա օրերին կմեկնեն Հնդկաստան՝ Մայր Աթոռ Ս. Էջմիածնի եւ Կալկաթայի Ս. Նազարեթ հայկական եկեղեցու վարչության նախաձեռնությամբ ու աջակցությամբ ստանալու անհրաժեշտ բուժումն ու վերջույթների պրոթեզավորումը: Սա երկու տարվա ընթացքում զինվորականների չորրորդ խումբն է, որ այս պատակով մեկնում է Կալկաթա:

Ամենայն Հայոց Կաթողիկոսը, իր օրհնությունը բերելով զինվորականներին, մշտն, որ հպարտություն է տեսնել հայրենյաց պաշտպանների, ովքեր պատրաստ են իրենց կյանքն ընծայել հայրենիքին: «Ձեր կողմից դրսևորած այդ քաջարի ոգին արդեն իսկ հերոսություն է մեզ համար», - ընդգծեց Նորին Սրբությունը՝ փաստելով, որ Մայր Աթոռը հետազայում եւս շարունակելու է այս առումով իր զորակցությունը բերել Հայոց բանակին:

Նորին Սրբությունը հույս հայտնեց, որ ամհրաժեշտ այս բուժումը կօգնի զինվորականներին կազմակերպել իրենց հետագա կյանքը եւ ծառայությունը:

Իրենց հերթին զինվորականները երախտագիտություն հայտնեցին Վեհափառ Հայրապետին՝ հոգածու վերաբերմունքի, եկեղեցու ազգապահպան առաքելության եւ բանակաշինության գործում ունեցած մեծ ներդրման համար, պատասխանեցին նաեւ իրենց կյանքի եւ ծառայության վերաբերյալ Նորին Սրբության հարցումներին:

Հանդիպման ավարտին Ամենայն Հայոց Կաթողիկոսը Պապականիւն աղոթքով օրհնեց զինվորականներին՝ մաղթելով, որ ամենակալ Տէրը պարգևի նրանց ուժ եւ եռանդ՝ նորանոր հաջողություններ արձանագրելու կյանքում եւ ապրելու հարատեւ խաղաղության մեջ:

13 հոկտեմբերի

Ամենայն Հայոց Կաթողիկոսն ընդունեց Կանադայի վարչապետ Ջասթին Տրյուդոյին՝ ուղեկցությամբ ՀՀ արտաքին գործերի նախարար Զոհրաբ Մնացականյանի:

Նորին Սրբությունը ողջունեց Կանադայի վարչապետի առաջին պաշտոնական այցը Հայաստան՝ հույս հայտնելով, որ այն ավելի պիտի խթանի հայ-կանադական հարաբերությունները եւ նպաստի առկա գործակցության առավել ընդլայնմանն ու ամրապնդմանը:

Վեհափառ Հայրապետը գոհունակությամբ հաստատեց, որ Ֆրանկոֆոնիայի միջազգային կազմակերպության 17-րդ զագաթնաժողովի բարեհաջող անցկացումը Հայաստանում առիթ դարձավ տարբեր երկրների միջեւ հարաբերությունների խորացման, նոր կապերի եւ գործակցության հաստատման եւ հնարավորություն ընձեռնեց Ֆրանկոֆոնիայի կազմակերպության անդամ երկրներին ճանաչելու հայ ժողովրդին եւ հաղորդ դառնալու նրա իղծերին, երկրի առջեւ ծառացած մարտահրավերներին:

Ամենայն Հայոց Կաթողիկոսը Կանադայի վարչապետին ներկայացրեց նաեւ Մայր Աթոռ Սուրբ Էջմիածնի առաքելությունը հայ ժողովրդի կյանքում՝ ընդգծելով, որ Հայոց եկեղեցին հայ ժողովրդի հետ միասին դիմագրավել է դարերի դժվարություններին ու փորձություններին, կրել մոլոր տառապանքներն ու զրկանքները, ապրել նրա իղծերով եւ տեսլիքներով: Նորին Սրբությունը մասնավորապես անդրադարձավ Հայոց ցեղասպանության եւ խորհրդային տարիների հետեւանքով Հայոց եկեղեցու կրած



Գարեգին Բ Կաթողիկոսը նաեւ գնահատանքով արձանագրեց այն ջերմ վերաբերմունքը, որ Կանադայի իշխանությունների կողմից մշտապես դրսևորվում է հանդեպ հայ համայնքը եւ նրա ազգային-հոգեւոր կյանքը: Այս առիթով Նորին Սրբությունը նկատեց, որ Կանադայի հայ համայնքը գեղեցիկ կամուրջ է՝ երկու երկրների միջեւ հարաբերությունների զորացման եւ զարգացման համար:

Իր հերթին Կանադայի վարչապետն իր ուրախությունն արտահայտեց հանդիպման կապակցությամբ՝ ընդգծելով, որ երեք տաս-

պետք է շնորհակալություն հայտնի երկրում հաստատված կանադահայերին, ովքեր հսկայական ներդրում են ունեցել Կանադայի կյանքի տարբեր ասպարեզներում: Վերադառնալով հայ-կանադական հարաբերություններին՝ վարչապետը շեշտեց, որ Կանադան հպարտ է Հայաստանի գործընկերը լինելու համար եւ շարունակելու է գործակցությունը տարբեր հարթություններում:

Կանադայի վարչապետը Վեհափառ Հայրապետին ներկայացրեց նաեւ Ծիծեռնակաբերդի հուշահամալիր իր այցելության տպավորությունները:

Զրույցի ընթացքում Վեհափառ Հայրապետը եւս արձանագրեց Տրյուդոն խոսեցին խաղաղ, բարոյ եւ ապահով աշխարհի կերտման գործում միջկրոնական երկխոսության կարեւորության մասին: Ամենայն Հայոց Կաթողիկոսը ներկայացրեց Հայոց եկեղեցու ներգրավվածությունը միջկրոնական եւ միջեկեղեցական երկխոսություններում, ինչպես նաեւ տեղեկացրեց դարաբաղյան հակամարտության խաղաղ կարգավորմանն ուղղված հոգեւոր առաջնորդների ջանքերի մասին:

Հանդիպմանն անդրադարձ կատարվեց քաղաքական գործիչների կարեւոր պատասխանատվությանը՝ մարդկային կյանքում ողբերգությունների կանխարգելման, անարդարության եւ տառապանքների հաղթահարման, աղքատության վերացման գործում: Այս կապակցությամբ Նորին Սրբությունը վստահությամբ ընդգծեց, որ Կանադայի երիտասարդ եւ եռանդուն առաջնորդն ապագայի իր տեսլականով մեծ նպաստ կբերի խաղաղ աշխարհի կառուցմանը:

Հանդիպմանը ներկա էին Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը, Կանադայի հայոց թեմի առաջնորդ Աբգար եպս Հովակիմյանը եւ թեմական խորհրդի ներկայացուցիչներ:



կորուստներին եւ ներկայումս եկեղեցու կողմից տարվող գործունեությանը տարբեր ոլորտներում՝ վստահություն հայտնելով, որ նոր իրողության պայմաններում Հայոց եկեղեցին պիտի կարողանա առավել մեծ չափով շարունակել իրականացնել իր առաքելությունը հայ ժողովրդի հոգեւոր վերազարթոնքի կերտման ու միասնականության ամրապնդման գործում:

Մամյակ անց մեծ հաճույքով է վերստին այցելել Հայաստան եւ մեծ պատիվ է համարում հյուրընկալվել հայոց հոգեւոր կենտրոնում եւ անխոս պիտի նպաստի երկու երկրների միջեւ կապերի խորացմանը:

Պրն Ջասթին Տրյուդոն, անդրադառնալով Կանադայում ապաստան գտած հայ համայնքին, մասնավորապես մշտն, որ Կանադան

Կեչառիսի վանքում կատարվեց

եւ ՀՀ ԶՈՒ հոգեւոր առաջնորդությունում սպասավորող յոթ սարկավագ:

Նույն օրը՝ առավոտյան, կատարվեց ընծայման կարգը: Ձեռնադրության ընթացքում Առաքել սրբազանը քահանայության կոչեց նորընծաներին՝ սրբալույս Մյուռնուկ օծելով նրանց ճակատներն ու ձեռքերը, ինչպես նաեւ նորածն եկեղեցականներին շնորհելով հոգեւոր նոր անուններ:

Ռուդիկ սրկ. Հայրապետյանը վերակոչվեց Սիոն քահանա, Սարգիս սրկ. Աբյանը՝ Գեւորգ քահանա, Աշոտ սրկ. Տիգրանյանը՝ Նարեկ քահանա, Ռուբեն սրկ. Կարապետյանը՝ Նահապետ քահանա, Վիրաբ սրկ. Սարգսյանը՝ Երեմիա քահանա, Ռուբեն սրկ. Սարգսյանը՝ Աստվածատուր քահանա, Գուրգեն սրկ. Բարսեղյանը՝ Տաճատ քահանա:

Ձեռնադրության արարողության ավարտին նորածն քահանաներն իրենց անդրանիկ օրհնությունը փոխանցեցին ներկաներին:

Այնուհետեւ Առաքել սրբազանը, քահանայական ձեռնադրության կապակցությամբ դիմելով նորածն քահանաներին եւ հավատացյալ ժողովրդին, մշտն. «Այսօր նվիրական եւ հիշար-

ժան օր է մեզանից յուրաքանչյուրի համար, նաեւ ուրախության եւ հոգեկան բերկրանքի օր Մայր Աթոռ Ս. Էջմիածնի միաբանության ու մեր հավատացյալ ժողովրդի համար, բայց այն նվիրական, հավետ հիշարժան ու սուրբ է հատկապես մեր նորածն յոթ քահանաների համար:

Նորընծա քահանա հայրեր, Աստծուն ձեր ընծայման աստվածահաճո ուխտի առթիվ եւ գոհություն եւ փառք եմ վերառաքում առ Բարձրյալն Աստված՝ ասելով. «Փառք Քեզ, Տէր, փառք Քեզ, յաղագա ամենայնի փառք Քեզ, Տէր», որ արժանի արեցիր ինձ Քո սուրբ Սեղանին պատարագելու եւ կրկին քահանաների ձեռնադրության կարգը կատարելու»:

Սրբազան հայրը նաեւ իր երախտագիտությունը փոխանցեց Ամենայն Հայոց Կաթողիկոսին՝ քահանայական այս ձեռնադրության կատարումն իրեն վերապահելու համար: Սրբազանն իր քարոզում ընդգծեց, որ այսօր հայ ժողովրդը թե՛ Հայաստանում, թե՛ Արցախում եւ թե՛ Սփյուռքում կարիք ունի Հայ եկեղեցու անդաստանում թխված հոգեւոր հացի եւ հոգեւոր սննդի:

Շարունակությունը՝ էջ 3



Հոկտեմբերի 7-ին, օրհնությամբ Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի, Կոտայքի թեմի Կեչառիսի վանքի Ս. Գրիգոր Լուսավորիչ առաջնորդանիստ եկեղեցում

կատարվեց քահանայական ձեռնադրություն: Ս. Պատարագի ընթացքում Կոտայքի թեմի առաջնորդ Առաքել արք. Քարամյանի ձեռնաքահանայական ձեռնադրություն եւ օծում ստացավ Մայր Աթոռի տարբեր կառույցներում

Ամենայն Հայոց
Կաթողիկոսի
ցավակցագիրը
Շառլ Ազնավուրի
ընտանիքին



Հոկտեմբերի 1-ին Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսը ցավակցագիր է հղել ՀՀ ազգային հերոս, Շվեյցարիայի Համադաշնությունում ՀՀ արտակարգ եւ լիազոր դեսպան, աշխարհահռչակ շանսոնյե Շառլ Ազնավուրի ընտանիքին:

«Ցավ էր Մեզ համար լսել մեր ժողովրդի մեծանուն եւ տաղանդաշատ զավակ Շառլ Ազնավուրի մահվան լուրը:

Վշտալի է կորուստն արժանավոր հայորդու, ով հարազատ ժողովրդի փառքն ու պատիվը հավելեց ու պայծառացրեց իր հռչակով, շնորհներով, բարձր արվեստով եւ աշխարհի տարբեր երկրների հայտնի բեմերում հնչեցրած իր անզուգական կատարումներով:

Այսօր մխիթարությամբ ենք անդրադառնում, որ բարեհիշատակ Շառլ Ազնավուրը հոգով ու սրտով միշտ եղել է Հայաստանի հետ, հպարտացել իր ազգային ինքնությամբ: Մեր ժողովրդին պատուհասած աղետալի երկրաշարժի օրերին Ազնավուրը երգեց ժողովրդի ցավը շատ հայտնի երգիչների հետ, իր բոլորանվեր ջանքերը բերեց Հայաստանի օգնության համար: Նրա համրահայտ երգերի շարքում են մաե Հայաստանին, Տեղասպանության սուրբ մահատակերին նվիրված ստեղծագործությունները, որոնք վերստին բացահայտում են մեծանուն հայորդու հայրենասեր ու ազգամեր ոգին:

Շառլ Ազնավուրի մահը կորուստ է ողջ աշխարհի համար, քանզի մա իր համաշխարհային ճանաչումով ու արժեքով մաե ողջ մարդկության զավակն է, որին գիտեն, սիրում են եւ ուն համար այսօր աղոթում են ամենուր: Մեր աղոթքն ենք բարձրացնում առ Աստված՝ մեծանուն հայորդու հոգու հանգստության համար: Հոգեւոյս Շառլ Ազնավուրը մեզ թողեց իր վառ կերպարը, հիասքանչ երգերը, սերն ու բարությունը եւ երկրավոր ճանապարհը ավարտելով՝ շարունակում է իր ընթացքը դեպի հավերժություն եւ հավիտենական կյանք»,- ասված է Վեհափառ Հայրապետի ցավակցագրում:

Ամենայն Հայոց Կաթողիկոսը
Նախագահեց
Շառլ Ազնավուրի հուղարկավորությունը

Հոկտեմբերի 6-ին Փարիզի Ս. Հովհաննես Մկրտիչ առաջնորդանիստ եկեղեցում, նախագահությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, տեղի ունեցավ աշխարհահռչակ հայորդի, ՀՀ ազգային հերոս Շառլ Ազնավուրի հուղարկավորության արարողությունը:

Արարողության ավարտին Վեհափառ Հայրապետն իր խոսքն ուղղեց Ազնավուր ընտանիքին, Հայաստանի Հանրապետության պետական այրերին եւ այլ ներկաներին:

Ամենայն Հայոց Կաթողիկոսը մասնավորապես ասաց. «Տխրությունն է պարուրել ամենքիս հոգիները: Հրաժեշտ ենք տալիս հայագրի աշխարհահռչակ զավակ, երգարվեստի ու մշակույթի մեծանուն երախտավոր, Հայաստանի Հանրապետության ազգային հերոս Շառլ Ազնավուրին: Ծանապարհում ենք մրան դեպի հավերժություն, ուր Տիրոջ հետեւորդները ժառանգում են հավիտենական կյանքը,

տարագրյալ ընտանիքում ծնված հայորդին հաղթահարեց կյանքի բազում նեղություններ, իր նպատակին խոչընդոտող դժվարությունները եւ իրականություն դարձրեց երգելու եւ մշակույթին ծառայելու նվիրական երազանքը: Հատկանշական են մրա խոսքերը՝ որպես հավաստում իր գորեղ կամքի եւ առ Աստված ապավինության. «Անչափ շնորհակալ եմ Աստծուն, որ ինձ անցկացրեց այդ բոլոր փորձությունների միջով, երազելու եւ այդ երազն ապրելու հնարավորություն տվեց»:

Բարեհիշատակ Շառլ Ազնավուրը ողջ եւությամբ ներշնչված էր արվեստով, ստեղծագործելու եռանդով, առանց որի, ինչպես ինքն է բազմիցս վկայել, չէր պատկերացնում իր կյանքը: Իր ստեղծագործություններում մա ինքնատիպ անկեղծությամբ ներկայացնում էր իր զգացմունքներն ու մտածումները, դրվատում սերը, բարությունն ու ազնվությունը, բացահայտում մարդկային ներաշխարհի



ձը, այդքան էլ բազմազան ու ընդգրկուն էր Ազնավուրի երգարվեստը: Ոգու այս մրբության մա մշտապես ապրեց Ֆրանսիայի ու Հայաստանի սիրով եւ նվիրումով: Շառլ Ազնավուրը մեր ժողովրդի միասնականության յուրօրինակ խորհրդանիշն էր: Նա միշտ ներկա էր իր հարազատ ժողովրդի ու հայրենիքի կյանքում, սրտակցում ու զորակցում էր հայրենի երկրին դժվարությունների մեջ, ապրում, շնչում եւ ուրախանում էր ազգի ձեռքբերումներով ու հաջողություններով: Նրա բազմաթիվ երգերի շարքում Հայաստանին, Հայոց ցեղասպանության սուրբ մահատակներին նվիրված իր ստեղծագործությունները վկայում են մեծանուն հայի հայրենամկրումն ու ազգանվիրումը, իսկ Սուրբ Աստվածածնին նվիրված «Ավե Մարիա» երգի հիասքանչ կատարումները՝ մրա խոր հավատքն ու ջերմ սերն առ Աստված:

Արվեստին ծառայելով՝ Ազնավուրը խոսեց ու գործեց բոլոր ժողովուրդներին հասկանալի լեզվով, լուսնդեն հնչյուններով, համամարդկային արժեքներով, եղավ համերաշխության, արդարության, ազնվության քրիստոսավանդ պատգամների տարածող: Մեծանուն Շառլ Ազնավուրը, իր լուսավոր հետագիծը թողնելով պատմության մեջ եւ իր անմար հիշատակն ամենքիս սրտերում, այսօր փոխադրվում է հավիտենություն: Այդ հետագիծը մրա աստվածահաճ գործերի խոր ակոսն է՝ ձգված համամարդկային արժեքների անձայրածիր անդաստանում: Եվ այսօր մա, որպես համայն մարդկության եւ իր ազգի արժանավոր զավակ, իր թողած բարի ու արդյունաշատ վաստակի ոգեկան, երկնասլաց ճախրանքով ելնում է երկինք՝ հանդիպելու իր Արարչին եւ Աստծուն՝ Տիրոջ խոսքի համաձայն. «Եկեք, Իմ Հոր օրհնյալներ, ժառանգեցեք աշխարհի սկզբից ձեզ համար պատրաստված արքայությունը» (Մատթ. ԻԵ 34):

Ի խորոց սրտի աղոթենք, սիրելիներ, որ Ողորմածն Աստված երկնից օթեւաններում խաղաղության մեջ ընդունի մորոգ մնջեցյալ Շառլ Ազնավուրի հոգին, պարգևի երանություն ու հանգստություն եւ Սուրբ Հոգու բյուր մխիթարությամբ սփոփի Ազնավուր ընտանիքի անդամների եւ բոլոր սգացյալների սրտերը:

Խումկ, աղոթք եւ օրհնություն սիրելի Շառլ Ազնավուրի լուսավառ հիշատակին»:

Տես էջ 4

ԲԱՀԱՆԱՅԱԿԱՆ ԾԵՌՆԱԴՐՈՒՄՅՈՒՆ



Սկիզբը՝ էջ 2
Այս կապակցությամբ Առաքել արքեպիսկոպոսը, դիմելով մորած քահանաներին, ասաց. «Սիրելի քահանա եղբայրներ, դուք 6-7 տարի սովորել եք Սուրբ Էջմիածնի Գեւորգյան հոգեւոր ճեմարանում եւ ճեմարանական տարիներին ձեր ձեռք բերած հոգեւոր գիտելիքներն

անսակարկ կերպով պետք է մատուցեք մեր ժողովրդին՝ ձեզ վստահված հոտին: Ծեմարանը, որպես հոգեւոր գիտելիքների դարբնոց՝ հնոց, ձեզ ձուլել էր դարձրել է մաքուր ոսկի, որպեսզի մաքուր սրտով, մաքուր հոգով բոլորանվեր եւ անմնացորդ կերպով ծառայեք մեր ժողովրդին, քանի որ ժողովուրդը, հանապա-

զօրյա հացից ոչ պակաս, հոգեւոր հացի կարիք ունի: Քիչ առաջ դուք, սիրելի քահանա եղբայրներ, հրաժարվեցիք աշխարհիկ կյանքից, ձեր աշխարհիկ անուններից եւ մոր անուններով ու մոր կյանք ստացած՝ ամենակարող Աստծու կամքով պետք է գնաք եւ ծառայեք մեր ազգին ու եկեղեցուն: ...Ձեռնադրության ժամանակ դուք հրաժարվեցիք աշխարհից՝ աշխարհիկ կյանքից, աշխարհիկ ցանկություններից, ընչաքաղցությունից, նախանձից, հպարտությունից, չար ցանկություններից եւ խոսք տվեցիք վերցնել ձեր խաչը եւ հետեւել Քրիստոսին: Քրիստոսին հետեւել նշանակում է ձեր մոր կյանքն ապրել Ավետարանի պատվիրաններին համահունչ՝ բարությամբ, սիրով, ողորմածությամբ եւ անաղարտությամբ լեցուն կյանքով»:

Սրբազան հայրը նշեց մաե, որ մարդ արարածը՝ որպես արարչագործության պսակ, մշտապես պարտավոր է աղոթել եւ փառաբանել Աստծուն, սիրել իր մանին, լինել հեզ, խոնարհ, անոխակալ, ողորմած, անհիշաչար ու եղբայրասեր:

«Քրիստոս խոնարհվեց Իր երկնային փառքից, մարմնացավ, մարդացավ, որպեսզի մարդը տեսներ, հետեւեր Նրան եւ աստվածամար: Հավատացեք, եթե դուք էլ, սիրելի քահանաներ, հեզությամբ ու խոնարհությամբ լինեք այնտեղ,

որտեղ ձեր կարիքը կա, լինեք հիվանդների, կարիքավորների, սգավորների կողքին եւ խոնարհությամբ ծառայեք ժողովրդին, դուք թե՛ Աստծու եւ թե՛ մարդկանց առաջ կմնաք վեհ, մեծ, խոնարհ ու հարգված հոգեւորականներ»,- հաստատեց Առաքել սրբազանը:

Քարոզի վերջում սրբազան հայրը կոչ արեց ներկաներին աղոթք բարձրացնել առ Բարձրյալն Աստված, որպեսզի մորած քահանաներն առանց փորձության, աղոթքով ու աստվածպաշտությամբ անցկացնեն իրենց քառասնօրյա պատրաստության շրջանը եւ հաստատ ու անսայթաք մնան իրենց ուխտի մեջ:

«Ողջույնի» ժամանակ թեմի հոգեւորականները եւ Մայր Աթոռի ժամանած միաբանները բարձրացան խորան՝ շնորհավորելու երիտասարդ քահանաներին եւ համբուրելով մրանց մյուռոնաբույր ճակատներն ու ձեռքերը՝ մրանցից ստանալու անդրանիկ «Ողջույնը»:

Նորընծա քահանաները, Մայր Աթոռ Ս. Էջմիածնում քառասնօրյա պատրաստության շրջանից հետո, Ամենայն Հայոց Կաթողիկոսի օրհնությամբ ծառայության կկոչվեն Հայաստանյայց Առաքելական Ս. Եկեղեցու տարբեր թեմերում եւ կառույցներում:

Լրատվական նյութերը՝ Մայր Աթոռ Ս. Էջմիածնի տեղեկատվական համակարգի

Մայր Աթոռ Սուրբ Էջմիածնում Շառլ Ազնավուրի համար կատարվեց հոգեհանգստյան կարգ

Տես էջ 3

Հոկտեմբերի 6-ին Մայր Աթոռ Ս. Էջմիածնում, նախագահությամբ Մայր Աթոռի դիվանապետ Արշակ Եպս Խաչատրյանի եւ Ս. Էջմիածնի միաբանության, կատարվեց հոգեհանգստյան կարգ՝ ՀՀ ազգային հերոս, աշխարհառչակ շանտոյե Շառլ Ազնավուրի հոգու խաղաղության համար:



Հոգեհանգստյան արարողության ավարտին Մայր Աթոռի դիվանապետն անդրադարձավ մեծանուն հայորդու դժվարին եւ ծանր, բայց միեւնույն ժամանակ հաջողություններով ու նվաճումներով լեցուն կյանքի ճանապարհին՝ նշելով, որ Շառլ Ազնավուրի կորստյան ցավով տրոփում է ոչ միայն համայն հայության, այլև արվեստասեր միջազգային ողջ հասարակության սիրտը:

«Դեպի արվեստի բարձունքը նրա ճանապարհը լեցուն է եղել խոչընդոտներով եւ մարտահրավերներով: Միայն երկու տասնամյակ նա հետեւողականորեն ու համառորեն մաքառել է արվեստասեր հասարակության կողմից սիրո եւ ճանաչման արժանանալու համար՝ հաղթահարելով տարբեր խոչընդոտներ: Նա իրապես մարտիկ էր, անձ, ով վերջապես բարձրացավ միջազգային եւ ֆրանսիական երգարվեստի օլիմպոս: Այսօր Շառլի անունը ճանաչված է ողջ աշխարհում: Նա խորհրդանշում

է ոչ միայն հայ-ֆրանսիական բարեկամությունը, այլև նրա անունը խորհրդանշել է դարձել մարդասիրության, բարեկամության եւ ներշնչության սրտերը սփռող անձի: Շատերը վկայություն են բերել, թե ինչպես նրանք իրենց միայնության մեջ սփոփանք են գտել Շառլի խոսքերում:

Ֆրանսիայի նախագահը հուղարկավորության առիթով իր խոսքում արձանագրեց. «Շառլը, թողնելով իր երկիրը, եկավ հզորացնելու Ֆրանսիան»: Ես կավելացնեի, որ նա ոչ միայն հզորացրեց Ֆրանսիան, այլ նաեւ հավելեց ճանաչումը մեր ժողովրդի, մեծ գորակցություն ապահովեց Հայաստանին եւ մեր ժողովրդին»,- ի մասնավորի ընդգծեց Արշակ Եպիսկոպոսը:

Սրբազանը նշեց նաեւ, որ Հայոց Եկեղեցու բոլոր տաճարներում հայ ժողովուրդն այսօր իր աղոթքն է բարձրացնում Շառլ Ազնավուրի հոգու հանգստության եւ խաղաղության համար:

ԴԱՐՁԻՐ ԱՄԵՆԱԳԵՂԵՅԻԿ ԴԵՄՔԸ «Ամտեսանելի անցումներ» ռադիոհաղորդումներից

ՀԱՅՐ ԱՆԴՐԵԱՍ ԿՈՆԱՆՈՍ

Սկիզբը՝ թիվ 18

Մի բան պատմեն ձեզ: Մի անգամ մի կին գնում է իր հոգեւոր հոր մոտ՝ զուգված, զարդարված, դեմքն ամբողջովին ներկած: Հոգեւորականը նայում է նրան ու ասում. «Ինչո՞ւ ես այսքան շպարվում, աղջիկս»: Կինը պարզամտությամբ պատասխանում է. «Որովհետեւ ուզում եմ գեղեցիկ լինել: Վա՛ռ ե, հայր»: Հոգեւորականը պատասխանում է. «Բայց դու առանց այդ էլ շատ գեղեցիկ ես»: «Գիտեմ, շնորհակալ եմ», - ասում է կինը՝ կարծելով, որ հաճոյախատություն է անում իրեն: «Դա նկատի չունեմ, զավակս,- ասում է հոգեւորականը,- նկատի ունեմ, որ շատ գեղեցիկ ես հոգով, անմահ գեղեցկություն ունես մեղք թաքցրած, որը չի երեւում այս աշխարհի բոլորների ու սեթեւեթանքների մեջ: Այդ գեղեցկությունը Սուրբ Հոգին է շնորհում մեզ, դա հոգու գեղեցկություն է, որն արտացոլվում է նաեւ մեր դեմքերի վրա: Այդ գեղեցկությունը փորձիր գտնել, աղջիկս, եւ այդ գեղեցկությունը ցույց տուր երեխայիդ, ամուսնուդ, աշխարհիդ: Բնական մարդ եղիր»:

Եվ բնականն ամենագեղեցիկն է. նկատել ես դա: Բնական ծաղիկները, օրինակ, այնքան գեղեցիկ են, արհեստականն ինչքան էլ գեղեցիկ լինի, բնական չի կարող դառնալ: Այժմ բնականին այնքան նման արհեստական ծաղիկներ են արտադրում, որ հաճախ չես տարբերում, հարցնում ես. «Բնականն եմ», եւ պատասխանում եմ. «Ո՛չ, արհեստականն եմ, բնականին շատ նման»: «Նման» եմ, սակայն բնական չեմ, չեմ բուրում, չեմ աճում, մեծանում, ծաղկում, գեղեցկանում ու ապա թառամում եւ թառամելուց հետո էլ դեռ հոտը պահպա-



նում: Թառամած վարդերն էլի հոտավետ են, որովհետեւ գեղեցկությունն իրենց մեջ է:

Գեղեցկությունը մեր մեջ է: Աստված ամեն ինչ գեղեցիկ է ստեղծել: Եվ քանի որ չենք բացահայտել այդ գեղեցկությունը եւ չենք փնտրում Աստծուն, որ «ավելի գեղեցիկ է բոլոր մարդկանցից» (մեջբերումը շարականից է, որ երգվում է Ավագ երեքշաբթի օրը), աղբյուրը գեղեցկության, այդ պատճառով փնտրում ենք այս աշխարհի գեղեցկությունը, կաշուն ենք դրան ու հիվանդանում: Միլիոններ ու միլիարդներ են ծախսվում ամեն տարի՝ կոսմետիկայի արտադրության համար: Եվ ինչ գումարներ են կորչում գեղեցկությունը գտնելու համար, որն այդպես էլ չի գտնվում:

Շարունակությունը՝ էջ 5

Ստալինյան բռնաճնշումները եւ հայ գրողների մարդկային ու ստեղծագործական ճակատագիրը

Սկիզբը՝ թիվ 18

Բացառիկ հետաքրքրություն են ներկայացնում բանտից Բակունցի գրած չորս դիմումները: Առաջին բավականին ծավալուն դիմումը գրված է 1936 թ. հոկտեմբերի 6-ին ձերբակալությունից երկու ամիս անց: Պատմում է 1933 թվականից Չարենցի հետ իրենց խզված կապի մասին, երբ վերջինս քննադատել է հայ «ազգային մտավորականության տիպեր»-ին երգիծող իր ստեղծագործությունը: Խզումը խորացել է 1934-ին գրականության լեզվի հարցերի քննարկման դիսպուտում՝ «հենց գրական լեզվում Չարենցն ինքը ազգայնամոլության հետեւորդ է»:

Խզումն էլ ավելի է խորանում 1933 թ. ապրիլին «Գրական թերթ»-ում Մկրտիչ Արմենի տպագրած «Չարենցի եւ հարակից հարցերի մասին» խորապես ազգային բնույթ ունեցող հոդվածից իր հրաժարում-դժգոհությամբ: Այս կապակցությամբ հիշեցնում է իր ինքնաքննադատական ելույթները, մտաբերում է Չարենցի դեմ իր ելույթը՝ Գրողների միության անդամությունից հրաժարվելու վերջինիս 1935 թվականի մարտի 8-ի հայտարարության քննարկմանը:

Չարենցի հետ գրական եւ մարդկային տարածայնությունների խորացման իրական դրդապատճառները բերելով՝ ավելացնում է. «... Ես ստեղծագործաբար վաղուց եմ գիտակցել խմբակային միջավայրի ամբողջ կործանարարությունը, ինչի համար էլ խզեցի կապերս Չարենցի, իսկ մինչեւ նա՝ գրողների ամբողջ խմբի հետ» (1, էջ 241):

Այնուհետեւ Բակունցը խոսում է խիստ մեկուսացման պայմաններում գտնվելու հոգեբանական ահավոր ծանրության մասին, հաջորդում է իր վիճակի գիտակցման ինքնախոշտանգող բարձրաձայն մենախոսությունը. «Փաստը մնում է անշրջանցելի. ես մեկուսացված եմ: Այստեղից սկսվում է ամոթի տանջալի գիտակցումը, միլիոն անգամ բանտարկման փաստի վերապրումը: Օտարված եմ հանրությունից, ամոթն ստվեր է նետում նաեւ արված լավի վրա, ստվերում քո մասին եղած հիշողությունը, երկրի վրա աղմկում է ուրախությունը եւ, ինչպես կրճուներ ճոխ սեղանից, քեզ եմ հասնում առանձին անհատական պատառիկներ: Մտածում ես մեկ ժամ, երկու, երեք, մեկ օր, երկու օր, մտածում ես հիմարանալու աստիճանի, մինչեւ հիշողությունդ փոխվի գալիս, եւ չգիտես՝ գիշեր է, թե ցերեկ, միայն պարզ գիտակցում ես, որ կյանքը մնաց փակ դռան ետեւում:

Մտքերը հեռուն են գնում, իսկ ինչ կլինի հետագայում. ահա կվերջանա նախաքննությունը, ինչ է սպասվում հետո: <...> Երբ ես հարցնում եմ, թե ինչ է լինելու հետո, հուսահատվում եմ, գիտակցությունս մթագնում է, ջղաձգությունները խեղդում են կոկորդա...» (1, էջ 243):

Բակունցն իրեն նմանեցնում է մի մարդու, ով աղոտ հույսի հետ մեկտեղ նաեւ «մահվան հոտ է առնում»: Բակունցն ասում է՝ ես օճառի գործարանի տնօրեն չեմ, որ որտեղ էլ աքսորեք, ինձ համար միեւնույնը լինի, ես գրող եմ՝ կապված որոշակի լեզվի ու միջավայրի հետ, ուստի խնդրում եմ՝ եթե ինձ աքսորելու եք, աքսորեք Հայաստանի ծայրամասերից մեկը եւ ոչ թե օտար մի տեղ:

Գրողը սրանով հուշում է, որ իրեն աքսորեն եւ ոչ թե գնդակահարեն. «Ինձ գրելու ու կարդալու հնարավորություն տվեք, ինձ գիրք ու մատիտ տվեք: <...> Թողեք, որ ես մնամ խորհրդային Հայաստանի հավատարիմ շունը» (1, էջ 245):

Նախավերջին դիմումը վերաբերում է իր դեմ Նաիրի Չարյանի գրած զրպարտչական հոդվածներին, որոնց ինքն այլեւս չի



կարող պատասխանել: Իսկ Չարյանը Բակունցի դեմ տպագրել է մեկ տասնյակից ավելի չարախոսություն ու կեղծիք: Ասում է՝ եթե դրանք ճիշտ լինեմ՝ «Հրամայեք, ընկեր ժողկոմ, որպեսզի ձեռն ինձ...» (1, էջ 269):

Վերջին դիմումում, որ գրել է գնդակահարությունից 5 օր առաջ, այլեւայլ հարցերի հետ մեկտեղ խոսում է իր գրած-ավարտած «Երիմեյան մամրե» կամ «Հայկական մամրե» վիպակի մասին: Վիպակը ժամանակին շատերի ձեռքով է անցել՝ Խանջյան, Պետհրատի տնօրեն, առանձին գրողներ, բայց այն առ այսօր հայտնաբերված չէ:

«Մեղադրական եզրակացություն»-ը (6. 08. 1937) Բակունցին զրկում է ապրելու հույսից: Ըստ այդմ՝ նա «հակահեղափոխական տրոցկիստական մացիոնախոսական տեռորիստական կենտրոնի անդամ է», կենտրոնը պետք է ահաբեկչական գործողություններ կատարեր ընդդեմ ՀամԿ(Բ)Կ եւ խորհրդային իշխանության ղեկավարների: Իբր այդ խումբն է 1934-ի դեկտեմբերի 1-ին կազմակերպել Կիրովի սպանությունը եւ նախապատրաստում էր համապատասխան ահաբեկչական գործողություններ ընդդեմ Ստալինի ու Բերիայի: Իբր Չարենցի հետ մեկտեղ ստեղծել էր հակախորհրդային գրական կազմակերպություն, կապված է եղել Մոսկվայի տրոցկիստական կենտրոնի հետ:

Գործը լավ է փակ դատական միստում, դատավճիռը՝ պատժի առավելագույն չափ՝ գնդակահարություն, ինչն էլ իրականացվում է 1937 թվականի հուլիսի 8-ին:

Բակունցը պաշտոնապես արդարացվել է 1955 թ. մարտի 2-ին:

Հայտնի է, թե ինչ տանջալի ձեւերով էին ստալինյան դահիճները դատապարտվածներից ցուցումները կորզում, այնքան տանջալի, որ ոմանք չէին դիմանում օրեր շարունակ երկարող ամեն տեսակի հոգեբանական կտտանքներին, ծեծ ու ջարդին եւ, ուշքի չգալով, ավանդում էին հոգին:

Աշխարհի մեկ վեցերորդ մասում ծավալող այս դառնալի ողբերգության ամբողջ մահաշունչ ինդուստրիան հետագայում պատկերեցին գրողները՝ ստալինյան հալածանքներից նախկին տուժածները: Այս տեսակետից ոչ միայն գեղարվեստական, այլև հանրագիտական նշանակություն ունի Ալեքսանդր Սոլժենիցինի «ԳՈՒԼագ արխիպելագ» բազմահատոր վեպը: Հրաշալի են Մահարու «Ծաղկած փշալարեր» վիպակն ու սիբիրյան պատմվածքների շարքը: Գրվեցին նաեւ բազմաթիվ այլ հրաշալի վեպեր, վիպակներ, հիշողություններ:

Շարունակությունը՝ էջ 6

ԽԱՉԱՏՈՒՐ ԱՐՈՎՅԱՆ (1809-1848)

ԱՐՈՎՅԱՆԸ ՀԱՅ ՆՈՐ ԳՐԱԿԱՆՈՒԹՅԱՆ ՀԻՄՆԱԴԻՐ. ՆՐԱ ԲԵՐԱԾ ԳՐԱԿԱՆ- ՊԱՏՄԱԿԱՆ ՆՈՐՈՒԹՅՈՒՆՆԵՐԸ



Սկիզբը՝ թիվ 4-9, 11-12, 15-18

Աղասին եւ վեպի մյուս կերպարները: Հրատարակումից ի վեր «Վերջ Յայաստանի» վեպի գլխավոր հերոս արդարացիորեն համարվել է ժամանակակիցների համար սիրելի դարձած, ռուս-պարսկական պատերազմում իր քաջագործություններով աչքի ընկած քանաքեռցի մի կտրիճ երտասարդ՝ «աղքատ ու մեռած» Աղասին, որին անձամբ ճանաչել է հեղինակը: Թերեւս այս պատճառով էլ վեպի առաջին ընթերցողները միմյանց փոխանցելիս այն բուն վերնագրով կոչելու փոխարեն անվանում էին «Աղասու պատմություն»:

Իրական պատմական անձնավորություն է նա, ում հետ բարեկամական կապերը մինչեւ հիմա էլ հիշում են քանաքեռցիների սերունդները: Բայց իրական-պատմական այս անձնավորությունը վիպական կերպարի նախատիպն է միայն, որին հեղինակը մարմնավորել է կերպավորման իր սկզբունքներով՝ մեր ժողովրդի բնավորության լավագույն գծերը եւ իր սեփական մտածումները խտացնելով նրա մեջ:

Արովյանի մանկության տարիներին քանի անգամ է Աղասին նրան խաղացրել իր ծնկներին, ծոցից հանել ու ցույց տվել այն թաշկինակը, որի մեջ հայության թշնամիների դեմ մղած կռիվներում վիրավորված հերոսի ոսկորների փշրանքներն էին: Այդ իրական հերոսի մասին ժողովուրդը երգեր է հյուսել եւ երգում է տարբեր աղիքներով: Փառաբանվում են նրա առնական գեղեցկությունը, բնածին բարությունը, մարդասիրությունը, ուղղամտությունը, այդ «ջերմարյուն մարդու» քաջությունն ու հերոսականությունը վիպական գործողություններին մեջ գեղարվեստական արտահայտչամիջոցներով

ու մանավանդ «առավելություններով» (չափազանցություններով - Մ. Նալբանդյանի խոսքն է սա) ցուցադրելով՝ նրան դարձրել է վիպական հերոս, մարդկային բնավորության անհատական եւ ընդհանուր գծերով հատկանշվող էպիկական գրական կերպար: Նա, որոշ իմաստով, նման է մեր էպոսի հերոսներին, օժտված է այն հատկանիշներով, որոնք էպոսն ստեղծած ժողովուրդը կամեցել է տեսնել նրանց մեջ:

Իգուր չեն փառաբանվում Աղասու «սուրահի բոյը, լեն թիկունքը, դալանով քաշած կեռ-կեռ ունքերը», ահռելի ֆիզիկական ուժը, որի շնորհիվ նրան «Ալան բալասի» (առյուծի կորյուն) էին կոչում («Էնքան դվաթով էր, որ ձեռը մեկ տղամարդու գոտիքը որ չէր տանում՝ գլխի ծերն էր հանում, հավի ճուտի պես պոսիտ տալիս էլ եղ վերը բերում») կամ գոմեշի պարանոցը թրի մի հարվածով կտրում էր): Այս բարի հսկան (Արովյանն ինքն է Հասան խանի հետ մեծամարտի դրվագում նրան այսպես բնորոշել՝ «հսկայն Աղասի՝ թուրը սրտին դեմ արեց»)

խեղճերի, ծերերի ու որբերի պաշտպանն էր. «Որբ կամ աղքատ տուն մտնելիս յա սուփրեն էր բաց, յա քիսեն», ով հողը վարելու լուծ կամ եզ չունե՛ր՝ իրենն էր տալիս եւ հաճախ էր ընկերների հետ թաքուն վարում անկարող ու անօգնական ծերերի հողակտորները: Եշմարիտ է այն բնորոշումը, թե Աղասին հեղինակի գաղափարական կրկնատիպն է վեպում (Պ. Հակոբյան): Իր մտածողությամբ ու գործելակերպով նա էականորեն տարբերվում է միջավայրի «պաղարյուն» մարդկանցից: Արովյանը, սակայն, ինչպես նկատվել է, Աղասու կերպարը հարստացրել է նույն շրջանում գործած ուրիշ հայ քաջորդիների սխրագործություններով: «Հառաջաբանում» ներկայացված Կրետոս թագավորի՝ լեզուն մոր բացված քսանամյա որդու՝ պարսիկ զինվորին ուղղված զայրալից կոչին՝ «Անօրեն, ո՞ւմ վրա ես թուր բարձրացնում...», նրա նման հայոց լեզվի իրավունքները պաշտպանող հեղինակին «Էդ ո՞ւմ վրա եք թուր քաշել, հայոց մեծ ազգին չէ՞ք ճանաչում», որոտում է ընկերների հետ ջիրիդ խաղալուց (ծիախաղ) վերադարձող եւ «ախչիկ քաշելու» եկած ֆառաշներին պատուհասող Աղասին. «Դժոխքի որդիք, էդ ո՞ւմ վրա եք լոպես կատաղել, ասենք թե հայը ձեն չի հանում, պետք ա նրան սաղ-սաղ ուտե՞ք... աչքներդ լիսը կթոցնե՞ս սիւսթը...»:

Չնայած հեղինակը երբեմն էլ ժողովրդական աշխույժ հումորով ծաղրում է իր համակրելի հերոսին («Էշ կերած, էշ մեծացած», «Գլուխը հաստ, ծուծը բարակ» եւ այլն), սակայն բնության ազատ զավակը, հանդերի ու անտառի ծառերի սիրահարը, ծնողների առջեւ՝ խոնարհ, աղքատի ու նաչարի ընկեր, արժանապատվությամբ լեցուն քսանամյա այդ հերոսն է ըմբոստանում (200-ից ավելի մարդ անտաքեր դիտում էր աղջիկ փախցնելու տեսարանը, եւ ոչ ոք չէր արձագանքում թագուհու մոր աղերսագին օգնության կանչներին. «Տարա՛ն, տարա՛ն... աստվածասներ, մոտ էկե՞ք... քոմակ արե՛ք, գլուխս լացե՛ք: Տունս կոխեցի՛ն, օջախս քանդեցի՛ն... աչքիս լիսը հանում եմ, սիրտս դուս եմ ճոթում, տո՛ր, մեկ հասե՛ք, ի՞նչ կլի՛ք»: Հավաքվածներից ոչ ոք չէր կարող օգնել, ծպտալ չէր համարձակվում, որովհետեւ թագուհուն տանող ֆառաշների պես համոզված էին՝ «Սարդարի հրամանին սարը չի՛ դիմանալ», իրենք ի՞նչ կարող էին անել: Այսպես էր Բարեկենդանը սուգի փոխվում, երբ հայտնվում է Աղասին:

Ռուս-պարսկական պատերազմի շրջանում Հայաստանը թշնամիներից ազատագրելու հույսով խանդավառ Աղասուն իր ընկերների հետ ընթերցողը տեսնում է Հայաստանի տարբեր վայրերում՝ Ապարանում, Լոռի-Փամբակում, Անիում, Խլդարաքի լիսայնում (ներկայիս Գյումրի քաղաքին մոտ գտնվող Ազատանը) եւ այլուր, իր քսան քա-

ջերով նա ամենուր կռվում է մեր ժողովրդի թշնամիների դեմ, հալածում եւ Հայաստանից վճռում է հսկայամարմին Նադի խանին, քուրդ աշիրաթապետ Օթյուզ աղային, Անիում մեծ-մեծակ կռվում է հայերի մի բազմություն գերեվարած եւ ստրկության վաճառելու տանող քրդերի դեմ եւ ազատում բոլորին: Իհարկե, հենց Արովյանի բաղձանքն էր հավատակից քրիստոնյա Ռուսաստանի հովանու մերքո հայոց պետականության վերականգնումն ու Անի մայրաքաղաքի վերաշինումը: Գերությունից ազատված հայերին Անիում բնակվելու եւ հայոց երբեմնի մայրաքաղաքը ծաղկեցնելու հորդորը դրա վկայությունն է: Առանձնապես տպավորիչ է Խլդարաքի լիսայնի ճակատամարտի պատկերը: Աղասին մեծամարտում է արյունաբերու Հասան խանի հետ եւ ծնկի բերում նրան, սակայն վաղուց էր հասկացել, որ հայոց սակավաթիվ ուժերը բավարար չեն հայրենիքը մահնդակալան թշնամիներից ազատագրելու համար: Նա ներկայանում է ռուսական բանակի հայազգի գեներալ Վալերիան Մադաթովին եւ պատրաստակամություն հայտնում ռուսների կողմից պարսիկների դեմ կռվելու: «Մենակ մեկ զուլխ ունեմ, էն էլ ռըսին դուրբան եմ արել, թաք լի մեր աշխարհն անօրենի ձեռքից ազատվի»,- վճռաբար ասում է Աղասին: Նա իսկապես էլ ընդհանրացնում է բազմաթիվ այն ազնիվ հայորդիներին, ովքեր հերոսաբար կռվել են Հայաստանն ազատագրելու համար: Աղասին նրանցից մեկն է, որ արժանանում է առանձնահատուկ ողբերգական ճակատագրի:

Արովյանը հզոր ոգետություններ է պատկերել երեսանի բերդի գրավումը: Իրականում է արեւելահայության երազանքը. երեսանի բերդը գրավելուց հետո, երբ խցերից մեկում գտել էր իր հորը, նրա հետ ողջագործելու պահին էլ սպանվում է դարանակալ պարսիկների ձեռքով: Աղասու եւ ժողովրդի սերը փոխադարձ էր: Նրա մահը վերածվում է համաժողովրդական սգի: Առաջին անգամ հայ իրականության մեջ հերոսին հողին էին հանձնում «մուզիկով ու դոմշունով»:

Ամշուշտ, հեղինակը, որոշակի գեղագիտական ծրագրով երկի դիպաշարը կառուցելիս, գործողությունների նպատակարարված զարգացումը կարող է ցուցադրել կամ բնական, կամ ցանկացած նպատակահարմար հաջորդականությամբ: Սակայն «Վերջի» առաջին գլխում ներկայացվող գործողություններից՝ թագուհուն առեւանգելու եկած ֆառաշներին պատուհասելուց հետո Աղասին իր հինգ ընկերների հետ հեռանում է Քանաքեռից դեպի Ապարան, Լոռի ու Փամբակ, Շիրակ եւ Անի: Բայց հետո, թվում է, ընդհատվում է կապը, եւ ամբողջ երկրորդ գլխում այդ մասին գրեթե չի խոսվում:

Շարունակությունը՝ էջ 7

ԴԱՐՁԻՐ ԱՄԵՆԱԳԵՂԵՅԻԿ ԴԵՄՔԸ

Սկիզբը՝ էջ 4

Թող որ քո դեմքը գեղեցիկ լինի, թեկուզ եւ գեղեցիկ չէ՝ ըստ աշխարհիկ չափանիշների: Երբ նայում ես սրբապատկերներին, տեսնում ես, որ սրբերը գեղեցիկ չեն այնպես, ինչպես մենք ենք հասկանում գեղեցկությունն այսօր, այսօրվա՝ հարմար չէին լինի ամսագրերի կազմերին հայտնվելու համար, ֆոտոլրագրողները չէին գնա՝ նրանց լուսանկարելու, քանի որ չունեն փայլիլուն, անթերի դեմքեր, ինչպես այսօրվա գեղեցկուհիները, որ հիացնում են մարդկանց իրենց տեսքով... ինչպե՞ս. մարմնապես եւ կռապաշտորեն:

Սրբերը հիացնում էին մարդկանց, սակայն իրենց հոգու գեղեցկությամբ, որը նաեւ մարմնի վրա էր արտահայտվում: Աստվածամայրը գեղեցիկ չէր միթե, որի մասին այն ժամանակվա աղբյուրներն ասում են, որ իրոք հիացնումը, ակնածանք էր առաջացնում մարդկանց մեջ, փոխանցում էր Սուրբ Հոգու շնորհը մարդկանց, եւ մարդիկ հասկանում էին՝ ինչ է նշանակում գեղեցիկ մարդ: Եվ սակայն Տիրամոր գլուխը ծածկված էր, ծածկված էր նրա ողջ մարմինը, իր վրա ուշադրություն չէր գրավում, եւ սակայն... գրավում էր: Աստվածային գեղեցկություն ունեցող, խոնարհ, մաքուր, անեղծ մարդն ուշադրություն է

գրավում, ինչքան էլ որ չուզենա: Իր վրա է կենտրոնացնում մարդկանց ուշադրությունը, ինչքան էլ որ ձգտում է թաքնվել մարդկանցից: Նրա խոնարհությունը, հոգու գեղեցկությունը դուրս է թափվում ու տարածվում շուրջը: Մեր Տիրամայրն այդպիսին էր, այդպիսին է եւ յուրաքանչյուր սուրբ: Խոնարհը, սիրելիներս, ամենագեղեցիկն է աշխարհում, ինչպիսին էլ որ լինի նրա արտաքինը:

Քեզ մի օրինակ բերեմ: Սուրբ Պատարագից հետո, երբ դուրս ենք գալիս եկեղեցուց, բարեւում իրար, քեֆն ու հալը հարցնում, եւ եթե իսկապես ապրել ենք սուրբ Պատարագը. աղոթել, հաղորդվել, բարձրացել երկինք, դիպել Քրիստոսին, այդ ժամանակ բոլոր մարդիկ քեզ գեղեցիկ չեն թվում: Չես ասում. «Սա տգեղ է, նա տգեղ է», այդպես չես դատում մարդկանց, բոլորը քեզ թվում են գեղեցիկ, սիրելի, դուրեկան: Սուրբ Պատարագը մեզ գեղեցիկի աշխարհ է տանում, որն Աստծու աշխարհն է: Ուր որ Աստված է, այնտեղ գեղեցկությունն է, ուր որ Աստված է, այնտեղ խոնարհությունն է, պարզությունը, շնորհն ու գրավչությունը: Մեզ գրավում է Աստծու գեղեցկությունը, եւ մեզ գրավում են այն մարդիկ, որ Աստծու շնորհն ունեն:

Զգույշ եղի՛ր, որ չկորցնես այդ շնորհը:



Եթե անմեղ երիտասարդ ես ու գեղեցիկ այդ անմեղությամբ, զգուշացի՛ր, որ չկորցնես հոգուդ ու դեմքիդ այդ գեղեցկությունը: Գեղեցիկ ես, եթե երիտասարդ ես, եւ ավելի գեղեցիկ, երբ որ չես շաքարվում: Երբ չես շաքարվում, այնպիսին ես, ինչպիսին քեզ ստեղծել է Աստված: Եվ եթե առավոտյան արթնանալով՝ աղոթում ես ու առանց շաքարվելու գնում աշխատանքի, դպրոց եւ այլն, մի այլ տեսակի գեղեցկություն ունես՝ քո գեղեցկությունը, քո միակ ու անկրկնելի դեմքը, որի նմանը չկա ամբողջ աշխարհում: Այնինչ շաքարված, հարդարված դեմքը քեզ նույնացնում է բազմաթիվ այլ աղջիկների, կանանց հետ:

Սիւս այդ բանը տեսա ես այս շաբաթ երեկոյան մետրոյում. բոլորը նույնն էին, բո-

լորի ոճը նույնն էր: Այդ «Էմո»-ի ոճի մագերից, որի մասին ասացի քեզ, ունեին շատ երեխաներ: Ուրեմն այլեւս անհատականություն չուներս դու: Այսօր ուզում եմ քեզ ասել հետեւյալը. սովորի՛ր լինել գեղեցիկ քո ձեւով: Ինչպե՞ս ենք ասում՝ սա սուրբ Գեորգն է՝ իրեն հատուկ սրբությամբ ու գեղեցկու-

թյամբ, սա սրբուհի Մարիանն է, սա՝ սրբուհի Ֆոտինին՝ իր առանձնահատուկ գծերով: Սա իսկական գեղեցկություն է, եւ ոչ նմանակման, վատ ընդօրինակման, երբ մեկը մյուսին մայելով՝ վերցնում է նրա ոճը, կեցվածքը եւ այլն:

Չեղք բեր քո գեղեցկությունը: Շատ գեղեցիկ ես դու: Եվ մորից եմ ուզում քեզ ասել այսօր. գտի՛ր քո հոգու գեղեցկությունը, բացահայտի՛ր այն: Եվ գիտե՛ս՝ ինչպես է այն բացահայտվում. երբ կանգնում ես Քրիստոսի առջեւ ու թույլ տալիս, որ Նա մայի քեզ, եւ Նրա դեմքի ճառագայթներն ու գեղեցկությունն արտացոլվեն քո դեմքի վրա: Եվ այդ արտացոլվել երեւում է:

Շարունակությունը՝ էջ 7

ՄԿՐՏԻՉ ՊԵՇԻԿԹԱՇԼՅԱՆԻ ԴՐԱՄԱՏՈՒՐԳԻԱՆ



Իր բացառիկ տաղանդի եւ օժտվածության շնորհիվ Սկրտիչ Պեշիկթաշյանը պատկառելի ներդրում է ունեցել արեւմտահայ գրական-մշակութային կյանքի զարգացման գործում։ Լինելով առաջադեմ մտավորական՝ նա մեծ կարեւորություն է տվել թատրոնին՝ այն համարելով հասարակական կյանքի զարգացումն ապահովող կարևոր օղակ։

Մ. Պեշիկթաշյանը 1856 թվականին կազմակերպեց արեւմտահայ թատրոնի հիմնադրումը՝ նոր փուլ բացելով հայոց թատրոնի պատմության մեջ։ Այդ ասպարեզում նա եւ բեմադրվող պիեսների հեղինակ էր, եւ թարգմանիչ, եւ դերասան։ «...Ուրիշ տեղ մը զայն կտեսնենք բեմին վրա, իր սեփական ճիգերովն ու ձեռքերովը կանգնված բեմին։ Առա-

վտը թատերգություններ կը գրե եւ երեկոյին ինք անձամբ կը խաղա զանոնք՝ իր հավաքած խումբին հետ»,- այսպես է պատմում Դանիել Վարուժանը դրամատուրգի՝ թատերական գործում ներգրավվածության մասին։

Պեշիկթաշյանի պիեսները հայ դրամատուրգիայի արժեքավոր երկերից են։ Նա իր գրական գործունեության երկրորդ շրջանում (1850-1860- ականներ) մեկը մյուսի հետեւից գրում է «Կոռնակ», «Արշակ», «Վահան», «Վահե» դրամաները։ Թատերագիրն անդրադառնում է հայ ժողովրդի պատմական անցյալին՝ հստակ գիտակցելով այն պարզ ճշմարտությունը, որ ազգային ինքնագիտակցություն արթնացնելու համար գրականությունը կարող է լավագույն ուղին հարթել, իսկ թատրոնը՝ նպաստել դրա տարածմանը։ Համդիսատեսի ուշադրությունը գրավելու համար նա իր ողբերգությունների մյուսը վերցնում է պատմական անցյալից, երբ երկպառակությունն ու մատնությունն էին վճռում հայոց տխուր վիճակը։

Պեշիկթաշյանի դրամաների առանձնահատկություններից է այն, որ դրանք գրված են աշխարհաբարով։ Եթե պատմական ողբերգությունների լեզուն գրաբարն էր, ինչն ապահովում էր այդ ժամրի համար անհրաժեշտ վսեմ ոճը, ապա աշխարհաբարը քանդեց այն պատմեշը, որ կար ընթերցողի եւ ստեղծագործության, հանդիսականի ու թատրոնի միջեւ։

Նրա դրամատուրգիայում տիրապետող է պատմական թեմատիկան։ Դրամատուրգն անդրադարձել է 4-րդ դարի դեպքերին՝ ստեղծագործաբար մոտենալով պատմական մյուսին։ Հեղինակը չի մնում պատմության քարացած անունների եւ դեպքերի կաղապարված շրջանակում։ Իսկ պատմական մյուսի վերաբերյալ նման մոտեցումը հատուկ է ռոմանտիզմի գեղագիտությանը։

«Կոռնակ» դրաման գրվել է ստեղծագործական բռնկման շրջանում՝ չորս օրվա ընթացքում։ Այս դրամայի գրությունն ու բեմադրությունը շրջադարձային եղան հայ գրականության եւ թատրոնի համար։ Տպավորիչ երկխոսությունները բացահայտում են հերոսների հուզաշխարհը։ Դրամայում հեղինակի գաղափարական հերոսը Ներսեսն է, ով անձնագոհ հայրենասերի տիպական կերպար է։ Մամալազյան Ներսես իշխանի հակապատկերն է Կոռնակը։ Այս երկու հակադիր հերոսների փոխադարձ թշնամանքից բխող պայքարը դառնում է գործողությունների եւ բախման զարգացման հիմնական շարժիչ ուժը։

Կոռնակի եւ Ջավենի տեսական գրույցներում բացահայտվում է դժբախտ հոր ներքին դրաման. «Գիտես, որ գահասիրության փափագով վառված՝ մերժեմ է հայրս աթոռն, որ սրտին ցավեն աշվները կուրցած՝ Ներսեսին քով ապավինեմ էր. ես խնդրեցի Նեսեսն, որ չընդունի զինքը, անկա, գիտես, որ մտիկ չըրավ, ու ակնե բռնկեցան մեր թշնամությունները, ու մեկ հատիկ սիրական զավակս պատերազմի սուրը հնձեց ծաղիկ հասակին մեջ» (Սկրտիչ Պեշիկթաշյան, *Երկերի լիակատար ժողովածու, Եր., 1987, էջ 155*)։ Դրամատուրգը պատմական իրողություններին տվել է արդիական լուծումներ։ Կոռնակի համար հայրենիքն ունի առաջնային մշակակություն, սակայն նա առաջնորդվում է զգացմունքներով՝ անտեսելով բանականության կարևորությունը։

Եթե կլասիցիստական ստեղծագործության մեջ բանականության սկզբունքներին հետեւելը գեղագիտական հիմնադրույթ էր, ապա, անշուշտ, վերոնշյալը ռոմանտիզմի դրսևորում է, երբ զգացմունքները դառնում են գերիշխող։

Թվում է՝ Կոռնակի գործողությունները միանգամայն արդարացված են. նրա հոգին կրծում է որդեկորույս հոր վրեժը, որը դառ-

նում է ամեն վատ արարքի պատճառաբանությունը։ Ջավենի հետ զրույցում նա կարծես զղջում է Կամսարական տոհմը բնաջինջ անելու եւ իր եղբորորդի Վասակին սպանելու համար։ Սակայն նրա չարագործությունները դրանով չեն սահմանափակվում։ Երբ նրա հայրը՝ Տրդատը, փորձում է դարձի բերել իր մոլորյալ զավակին՝ խրատելով անդունդից հեռու պահել յուր ազգը, Կոռնակը դառնում է հայրասպան։

Կոռնակի կերպարի ստեղծումն արեւմտահայ հասարակական-քաղաքական կյանքի պահանջն էր։ Նրա մախատիպն ազգային վերածնության ու զարթոնքի համար ստեղծված «Համազգյաց» ընկերության քաղաքական հակառակորդ Անտոն Հասունյանն էր՝ տխրահռչակ հայոց կաթոլիկ պատրիարքը։ Դրամայի բեմադրության ժամանակ Մ. Պեշիկթաշյանը մարմնավորում էր Ներսեսին։ Բեմի վրա հեղինակը փոխել է դրամայի՝ «Բայց հիմա ալ կ'ըսեն քեզի, վախցի՛ր, տոկացի՛ր, Կոռնակ. դուն, որ չարության մեջ քարացեր, պնդացեր ես, ու նենգությամբ խարդախ հնարքներով եւ անհաշտ ատելությամբ իրավանց եւ արդարության դեմ ու կը պատերազմիս, ու ժպիրի ձեռքովդ թույն կսերմանես ազգիդ մեջ, մի՛ պարծիր անարգ հաղթանակովդ» (Ս. Չոպանյան, *Սկրտիչ Պեշիկթաշյանի կյանքը եւ գործը, Փարիզ, 1907, էջ 202*) հատվածը՝ ասելով. «Դուն, որ չարության մեջ հասունցեր ես...»։

Կոռնակի խարդախությունները հանգուցալուծում են դրաման, երբ նա հաշտության խնջույքի ժամանակ թույն է լցնում Ներսեսի եւ նրա որդիների բաժակների մեջ։ Ներսեսի երկու որդիները՝ Հեզիկն ու Տոկակը, մահանում են, իսկ Ներսեսի բաժակը Կոռնակին է բաժին հասնում։

«Արշակ» դրաման 4-րդ դարի հայոց պատմության դեպքերի արձագանքն է։

Շարունակությունը՝ էջ 8

Ստալինյան բռնաճնշումները եւ հայ գրողների մարդկային ու ստեղծագործական ճակատագիրը

Սկիզբը՝ էջ 4
Բայց այս ամենն ավելի ուշ՝ անհատի պաշտամունքը հաղթահարելուց հետո։ Դժվարը հենց նույն դժոխքի մեջ դժոխքի մասին գրելն էր։ Եվ, այո՛, ստալինյան հալածանքների բովում եւս գրվեցին գործեր, որոնց հեղինակները գիտեին, որ զոհ են գնալու արյունոտ մախճիրին։

Նրանցից էր իրոք հերոսական այնպիսի մի համճար, որպիսին Եղիշե Չարենցն էր։

Ահա իր գրական ու հոգեւոր բարեկամի՝ Ակսել Բակունցի ծանր փորձության օրերին, երբ Չարենցը դեռ ձեռքակալված չէր, բայց եւ հայտարարում էր՝ որտեղ իր ընկերները, այնտեղ էլ ինքը, գրեց իր լավագույն բանաստեղծություններից մեկը, որ մահվան դարանակալ կարմիր աչքերին նայող իրենց թանկ ընկերության սրբազան աղոթքն ասես լինի։ Սրանով Չարենցն իր վճռական ռիչն ասաց իրեն ու Բակունցին իրար դեմ հանող ամեն տեսակի մեծ ու փոքր չեկիստների սադրանքներին։

Ահա այդ գլուխգործոցը՝ գրված 1936 թվականի հոկտեմբերի 14-ի գիշերը.

Ա. Բ.-ին
...Եվ բառերի համար քո մարմարյա,
Դամենի, բուրյան, որպես մեր հին
Քարաքանդակ անդուռ մատուռների
Անցնջելի գրերն հնադարյան,-
Եվ մյուռնոնի նման սրբազնագույն
Քո երկերի մարտր սկիհներում պահված՝
Խորհուրդների համար մշտահմա,
Որպես խորհուրդ մեր նայարական ոգու,-
Քո «Միրիավի» համար - եւ լուսեղեն՝
Արփենիկի հուշով սրբագործված հավետ,
«Ալպիական ծաղկի» այն բուրավետ,
Որ բուրելու է համր անմյութեղեն,-
Եվ վերջապես քո վեհ, հերոսական
«Սերմնացանի» համար, որ ձեռքերով վսեմ
Սեւ ցեղերի վրա մեր գոյության այս սեւ,
Շարուն է շողք ու սերմ անանձնական,-
Այս ամենի համար,- եւ «Ծիրանի»
Հազարամյա փողի համար քո այն,
Որ դարերով տենչած խաղաղության
Երգն է հնչում,- եւ մեր ժողովուրդը քանի
Ունի գեթ ափ մի հող արեգակի ներքո՝
Հնչելու է երգեր եղբայրական,-
Այս ամենի համար, ճ, խեղճ իմ բարեկամ,
Ես քեզ օրհնում եմ արդ իմ անաղարտ երգով...
Այս ամենի համար,- եւ քո եղբրական
Տառապանքի համար, որ արդ կրկին
Վեհություն է խառնում քո անաղարտ երգին -

Ես քեզ պարզում եմ ձեռք եղբայրական...
Եվ ներքողում եմ քեզ ահա կրկին անդեռ
Իմ շուրթերով, ինչպես օրեր առաջ,-
Երբ դեռ դու այր էիր մի անարատ,
Եվ ես ընկերն էի քո բանաստեղծ...
(5, էջ 164-165)

Չարենցը 1937-ի զոհերից է, ում հանդեպ հալածանքներն սկսվեցին 1933-ին՝ «Գիրք ճանապարհի» ժողովածուի արգելաճեով։ Դրան հաջորդեցին հարցաքննություններ, այնուհետեւ նրան վտարեցին Գրողների միությունից, հեռացրին զբաղեցրած պաշտոնից, մեկուսացրին գրական կյանքից, դադարեցրին գրքերի տպագրությունը, այդ թվում՝ Մոսկվայում եւ Թիֆլիսում ռուսերեն թարգմանական ժողովածուները, հռչակեցին քաղաքականապես անվստահելի անձ, հսկողության պայմաններում հրամայեցին քաղաքից չբացակայել, մամուլում քննադատեցին թե՛ իրեն եւ թե՛ իր գրական խմբի անդամներին ու համակիրներին, թունավորեցին կենցաղը, մղեցին ծայրահեղ արարքների, ի վերջո, ձերբակալեցին, բանտում հարցաքննության փոխարեն դաժան հաշվեհարդար տեսան նրա հանդեպ, ուր եւ 1937 թ. նոյեմբերի 27-ին ավանդեց հոգին։

Այս ամենով հանդերձ՝ Չարենցի կյանքի վերջին տարիներն արտակարգ հարուստ են տարատեսակ ստեղծագործություններով, այդ թվում իրեն՝ Ստալինին եւ ստալինյան վարչակարգը քննադատող բազմաթիվ գեղարվեստական էջերով ու տարատեսակ գրություններով։ Այս տեսակետից առանձնացնենք «Որպես գորշ, դեղին տերեւներ...», «Կար մի պոետ միամիտ» տողերով սկսվող պոեմները, մահ ու մայրամուտ գուժող երգերը, իր ժամանակի քաղաքական գործիչների գրական դիմանկարները, մինչեւ կալանավորվելը, այնուհետեւ բանտում գրած բազմաթիվ էպիգրամներ ու բանաստեղծություններ, այդ թվում՝ «Օ՛, մանկիկներ մեր լույս», «Հոտ է գալիս կրկին արյան», «Կեսօր», «Քարծրավիզ կոշիկներ հագին», «Թիֆլիսցի կինտոն», «Միջնադարյան կացին», հիշատակենք «Դոֆինը նայիրական» սոնետների շարքը՝ ի հիշատակ Թիֆլիսում Բերիայի կողմից ՀՎ(Բ)Կ Կենտկոմի առաջին քարտուղար Ադասի Խանջյանի սպանության։ Կան նաեւ բազմաթիվ այլ գործեր։ Դրանցում Ստալինը ներկայանում է որպես ռուս ցարերի գահը զավթած թիֆլիսցի մի նեղճակատ կինտո, որպես մարդկանց գլխատող միջնադարյան կարմիր կացին,

որպես հատակի տակից պոետին լրտեսող, բեղերը սրած մի տարական, որպես մարդկային արյունով ճաշ եփող խոհարար, որպես 150 միլիոնանոց երկիրը՝ ԽՍՀՄ-ը, մի արջի նման պարեցնող կրկեսի ծաղրածու, որպես խրոմե սապոգներով ժողովրդին տրորող բռնապետ, որպես մարդկային գանգերով հաղթանակի բուրգ՝ ջաբուլգա կառուցած մի դահիճ, որպես ժամանակին բանաստեղծական փորձեր արած մի նոր Ներոն կամ Նեո՝ հակաքրիստոս, որպես Մարքսի հետ սոսք մեկնող մի քաղաքական ելուզակ, որպես մեր մտքի որձակը լափող հրեշ... Ահա բանտում 1937-ին գրած «Թիֆլիսցի կինտոն» բանաստեղծության վերջին տները.

Սեւ կառքի կառապան լկտի,
Բազմել է ցարերի գահին,
Լափում է որձակը մեր մտքի,
Հրկում է մեզ հունտից ազգային։

Ինչ անի մտվածքը ռամիկ
Կավատի դավից անտեղյակ,
Արեւ էր, դառել է մահիկ,
Աշխարհում մնացել մենակ։

Օ, ռժր եք, աստղեր, արեւներ,
Իջնում է ազգիս երեկոն,
Եվ եղավ չըլված մի Նեո
Թիֆլիսցի նեղճակատ կինտոն։

Հ. Գ.
Այս ամենի մասին մենք այսօր պարտավոր ենք հիշել, գրել եւ հիշեցնել, որովհետեւ Ստալինը... վերադառնում է։ ՌԴ-ում այսօր քննադատական ալիքն ավելի ուղղում են խրուշչովի դեմ, որ համարձակորեն հաղթահարեց անհատի պաշտամունքը, նորից սառեցնում են նրա «ձնհալը» եւ մեծարում Ստալինին։

Անգամ Նոբելյան մրցանակի դափնեկիր Ալեքսանդր Սոլժենիցինի անունն են մղում ետմախորք, որովհետեւ նրա «ԳՈՒԼագ արխիպելագ» բազմահատոր վեպը ստալինյան բռնաճնշումների հայելի-հանրագիտարանն է։ Ըստ այսօրվա մեկնաբանների՝ այդ վեպն ստվեր է նետում Ռուսաստանի հեղինակու-



թյան վրա, ուստի պետք չէ, որ տեղ գտնի անգամ դպրոցական ծրագրերում։

Այսօր Ռուսաստանում վերականգնվող կետրոնաձիգ իմպերիալ ոգու համար Ստալինն ավելին է, քան միլիոնավոր մարդկանց կյանքը։ Եվ դա հիմնավորում են նրանով, որ Ստալինը հաղթեց պատերազմում, ԽՍՀՄ-ի վերահսկողության սահմանները Չինաստանից հասցրեց մինչեւ Բեռլին, երկրին տվեց ատոմային զենք, զարգացրեց արդյունաբերությունը, երկրորդ համաշխարհայինից հետո կնքեց այնպիսի նպաստավոր դաշնագիր, որ հետագա տասնամյակներին ապահովեց ԽՍՀՄ առաջատար դերն աշխարհում։

Մոռանում են, որ ստալինյան հալածանքներին զոհ գնացին տասնյակ միլիոնավոր մարդիկ, եւ գիտակցաբար այդ թիվն աստիճանաբար նվազեցնում են, որ արդյունաբերականացման հետ մեկտեղ ոչնչացվեցին գյուղական տնտեսությունները, ամայացան տասնյակ հազարավոր գյուղեր, եւ դեռ առ այսօր գյուղը ոտքի չի կանգնում, այդ իսկ պատճառով վիթխարի երկիրը չի կարողանում ինքն իրեն կերակրել։

Շարունակությունը՝ էջ 8

ԴԱՐՁԻՐ ԱՄԵՆԱԳԵՂԵՅԻԿ ԴԵՄՔԸ

Սկիզբը՝ էջ 5

Հասկանում ես. ամենագեղեցիկ հայելին, որի մեջ կարող ես նայել ու հարդարվել, Քրիստոսի դեմքն է։ Այնտեղ տեսնում եմք մեր նախատիպը, մեր նպատակակետը, տեսնում եմք, որ մենք էլ կարող ենք լինել այնքան գեղեցիկ, ինչքան Քրիստոսն է։ «Տէր, գեղեցկացրու իմ դեմքի տգեղությունը, ինչպես Դու ես գեղեցիկ», - ասվում է Ավագ շաբաթ երգվող շարականներից մեկում։

Արտավեսի Աստուծոց շնորհի եմք ստացել, բայց տրվելով աշխարհի չարություններին, նենգություններին՝ փոխվել ենք, կարծրացել։ Տեսել եմ, սակայն, մեծահասակների, որ երեխաների նման են, տեսել եմ ծերունի հրաշագեղ դեմքեր։ Մի տատիկի եմ ճանաչում, որի աչքերը փայլում են, լույս արձակում լուսամտի փայտե, անկեղծ եմ ձեռք ասում։ Երբեք չպարզ էի դիպել նրա դեմքին, այնպիսին է, ինչպիսին մայրն է նրան ծնել։ Գեղեցիկ է նրա դեմքը, որովհետև աղոթում է, հաղորդվում, Քրիստոսին իր մեջ առնում։ Գեղեցիկ է նրա դեմքը, որովհետև սիրում է, որովհետև իր կյանքում շատ է պայքարել, իսկ պայքարողի դեմքը չքմաղ է։

Կգեղեցկանա դեմքդ, երբ սովորես լաց լինել, երբ որ լաց լինես։ Իհարկե, ոչ եսասիրաբար, բարկությունից ու նյարդային գրգռված վիճակից, քանի որ ամեն ինչ էի եղել այնպես, ինչպես դու էիր ուզում. այդժամ տգեղանում ես, այդժամ լաց մի լինիր, էի սազում դեմքիդ։ Սակայն երբ լաց ես լի-

նում սիրուց, ցավից, զղջման զգացումից, այլ մարդկանց ցավը զգալով, հուզվելով նրանց երջանկությունից կամ վշտից, ես հատկապես, երբ լաց ես լինում Քրիստոսի հանդեպ երախտագիտության զգացումից՝ փառաբանելով Տիրոջն այն բոլոր նվերների համար, որ արել է քեզ, այդժամ ինչքան գեղեցիկ ես լինում։ Սա վերաբերում է ոչ միայն կանանց, այլև տղամարդկանց, որովհետև տղամարդիկ էլ են ուզում գեղեցիկ լինել։ Բոլորս ենք ուզում գեղեցիկ լինել եւ ամեն ինչում գեղեցիկին ենք ձգտում. ուզում ենք, որ մեր տունը գեղեցիկ լինի, եկեղեցիները՝ հարդարված. «Սրբացրու, Տէր, Քո տան վայելչությունը սիրողներին» (մեջբերումը՝ Պատարագից)։ Վայելու է եղիր, գեղեցիկ վարվելակերպ ունեցիր, որպեսզի գեղեցիկ լինես, որովհետև այդպիսին է մեզ ստեղծել Աստված։

Արդ՝ եթե աչքերդ արտահայտեն այն ապրումները, որ տեսել եմ իմ ծանոթ այն տատիկի հայացքում, դու էլ գեղեցիկ դեմք կունենաս։ Տեսել եմ՝ ինչքան գեղեցիկ է մարդու դեմքը հսկումից հետո։ Հոգնած է, աչքերը մրմռում են, բայց գեղեցիկ է, որովհետև գիշերը ժամեր շարունակ աչք էի փակել Քրիստոսի համար։ Մինչդեռ երբ տեսնում ես մեկին, որ դուրս է գալիս գիշերային որեւէ ժամանցավայրից՝ ակումբից, սրճարանից, դիսկոտեկից, պանդոկից, բարից, մարզադաշտից, ուստիկանական բաժանմունքից եւ այլ վայրերից, ուր մեղք է գործել, ինչպիսիքն է նրա դեմքը, գեղեցիկ է միթե, ունի՞ այն

գեղեցկությունը, որ Աստված է մեզ պարգևատրում։ Անշուշտ, չունի։

Սիրում եմ սուրբ Պատարագի ժամանակ երբեմն-երբեմն թաքուն նայել աղոթող մարդկանց, քահանաներին, որպեսզի ես էլ վերցնեմ նրանց դեմքի գեղեցկությունից, ես իսկապես, բոլոր դեմքերն ինձ շատ գեղեցիկ են թվում։ Մի անգամ մի մարդու տեսա, որ աղոթում էր եւ աղոթքը վերջացնելով՝ դուրս եկավ եկեղեցուց ու սկսեց զրուցել մարդկանց հետ։ Ես հետեւում էի նրան ոչ այլ պատճառով, քան այն, որ տեսնեմ, թե ինչպիսին է դարձնում Աստված այն մարդուն, ով աղոթում է։ Եվ գիտե՞ք՝ ինչպիսին. այսքան ժամանակ դրա մասին եմ խոսում՝ գեղեցիկ։

Մեր հոգու եւ դեմքի գեղեցկությունը շատ է ազդվում նաեւ մեր ընկերական շրջապատից։ Եթե շփվում ես գեղեցիկ մարդկանց, քրիստոնյաների հետ, որ ունեն գեղեցիկ բնավորություններ, այդ գեղեցկությունը քո հոգուն էլ է փոխանցվում, դու էլ ինչ-որ բան վերցնում ես նրանց գեղեցկությունից, եւ նրանց շնորհիմ արտացոլվում է քո դեմքի վրա։ Անկարելի մի համարիք այս փաստը. ուն հետ ընկերություն ես անում, ազդվում ես նրանից։

Հիմա խոսում եմ քեզ հետ, որ երիտասարդ ես։ Հիշում ես. երբ երեխա էիր, արեւն էր շողում մեջդ, այնքան գեղեցիկ դեմք ունեիր։ Նկատի չունեմ, որ հիմա չունես, հիմա էլ ունես գեղեցիկ, հարդարված դեմք։ Այլ գեղեցկության մասին եմ խոսում, նկատի ունեմ, որ աչքերդ այնքան անմեղ էին, անմեղ էր սիրտդ, հաճույք էր պատճառում քեզ նայելը։ Անցան տարիներ, ու կարծրացար, խստացար, սրվեցին հայացքդ ու



կեցվածքդ։ Հաճախ նյարդայնանում ես, բարկանում, խփում դռները, հարվածում սեղաններին, տանը բոլորին իրար խառնում, ատում այս կամ այն մարդուն, զանազան անկարգություններ անում, կռվում այն մարդկանց հետ, ուն սիրել ես մի ժամանակ, երբեմն կռիվների մասնակից ես դառնում մարզադաշտերում եւ այլն, եւ այլն։ Այս ամենը տգեղացրել են քեզ։ Գեղեցկությունը գոյություն ունի, բայց տակն է մնացել։ Ուզում եմ քեզ հետ այդ ծածկված գեղեցկության մասին խոսել։

Շարունակելի

Թարգմանությունը հունարենից՝ Տաթևիկ ՍՏԵՓԱՆՅԱՆԻ

ԽԱԶԱՏՈՒՐ ԱՐՈՎՅԱՆ (1809-1848)



Սկիզբը՝ էջ 5

Վեպի այս մասում երեւանի բերդի ու նրա սարսափների նկարագրությունն է եւ տեղաբնիկ մահմեդականների Միառլամի սգի պատկերումը, որն ուղեկցվում է հեղինակի պատմափոխության պատկերով։ Պատմություններով եւ այսօր ունի ինչպես գեղարվեստական, այնպես էլ ազգագրական ու պատմաճանաչողական բացառիկ արժեք։

Վիպական կառույցի իմաստով՝ սա կարծես Բաֆֆու «Սամվել» պատմավեպում «Փակագծի մեջ» գլխի նախորինակն է՝ առասպելական Հայկ մահապետի ու նրա հաջորդների, Երվանդունիների, Արտաշի-

սյանների, Արշակունիների, Բագրատունիների ու Ռուբինյանների եւ թագավորական ու իշխանական մյուս տոհմերի իրական երեւելի դյուցազունների սխրանքների հիշեցումով։ Այսպիսով մա կատարում է համայն հայության մեծ ուսուցչի իր պատմական առաքելությունը՝ հայ եւ օտար ընթերցողին հնագույն ժամանակներից ի վեր մեր ազգային ինքնության, մեր երեւելի նախնիների քաջության եւ առաքելության լավագույն օրինակների ցուցադրումով, խոսույթի՝ պատմական անցյալի առասպելական եւ նոր ժամանակների մարդկային հարաբերությունների, կրոնական ըմբռնումների եւ ծիսական արարողակարգերի մասին ազգագրական հարուստ տեղեկատ-

վությամբ։ Արժե հիշել վեպից թեկուզ մի փոքրիկ հատված, որը կարող է պատկերացում տալ, թե ինչպես էր Արովյանը ոչ իբրեւ պատմաբան, այլ որպես գեղագետ-գրող գեղարվեստականացնում հայոց եւ համաշխարհային միավորյալ պատմությունը եւ ինչպես էր այն ներկայացնում հայ նոր սերունդներին. «Էն սուրբ հողը, ուր անպարտելիմ Հայկ, անասոված Բելա չար մտքով չհավանելով, իր ընտանիքը, իր քաջ, պատվական գործը հավաքեց, էկավ ու Հայաստանի զարմանալի սարերի ու սիրուն դաշտերի տեսույն մայիլ մնացած, Ջանգվի դրախտանման ձորը,

Ջանգվի փրփրաղեզ անմահ ջուրը, Երասխի մարմանը ծոցը, Մասսա ու Ալազյազի երկնանման գլուխը, Սեւանա ծաղկափթիթ ձորերն ու սարերը տեսնելով՝ իր մզրախը ցցեց ու իր սուրբ անունով Հայաստան կանչեց ու Բելա անհոգի մարմինը իր նետ ու աղեղին մատաղ արեց։ Էն սուրբ տեղը, ուր Շամիրամ՝ աշխարհ տիրելով, ռիչնչ տեղ էն պատկերը չճարեց, որը որ իր սիրտն ուզում էր ու մեր հրեշտականման Արայի սիրուն երեսին կրոտ, գործ ժողովեց ու էկավ, որ թե նրա սուրբ սիրտը լալով, սիրով չգրավի, զոռով նրան գերի անի, որ բալքի նրա սուրբ շունչը իր երեսին դիպչի, ու մեռած ժամանակ էլ նրա մարմինը իր առաջին դրած՝ գիշեր-ցերեկ սուգ էր անում, որ կամ մա կենդանանա, կամ ինքը նրա ոտքերի տակին իր հոգին տա։ Էն աշխարհը, ուր որ Ջարմայր՝ Աքիլեոսի հետ Հեկտորի դեմն ուզեցավ պահի, Պարոյր, Արբակի հետ Սարդանաբադին էրեց, Տիգրան՝ Կյուրոսի հետ Աժդահակի հոգին առավ, Վահե Դարեհ Կողոմանի հետ Ալեքսանդրի ճամփեն ուզեցավ բռնի, Վաղարշակ Պարթևն՝ իր եղբայր Արշակա ոտը կտրեց ու Հայաստան կարգ տվեց, նախարարներ հաստատեց, Տիգրան՝ արքա արքայից, Ասորաց աշխարհն իր ձեռքի տակը բերեց ու կարթագինացոց Անիբալ, իր մոտ հրավիրեց...»։ Սա շեղում է, որ առաջին հայացքից կարող է վիպական հիմնական գործողությունը թուլացնող երկարաբանություն թվալ, սակայն Արովյանը, այսպիսով ընթերցողին հաղորդելով կարելի գիտելիք, վարպետորեն, սահուն անցնում է ժամանակների վրայով, Խլղարաքիլիսայի ճակատամարտի, Աղասու եւ Հասան խանի մենամարտի պատկերավոր նկարագրությամբ աննկատելի վերականգնում է կապը ներկայի հետ, գեղարվեստական պատկերում սերունդների համար ստեղծում պատմական անցյալի եւ ներկայի հետաքրքիր միասնություն, եւ գործողությունները շարունակվում են վեպի երրորդ գլխում։ Ուրեմն՝ իզուր է ոմանց թվացել, թե վիպական գործողության խզում կա, եւ առաջին գլխի գործողությունները շարունակվում են երրորդ գլխում։

Երկրորդ գլխի էական մասերից է եւ այն հատվածը, ուր Էջմիածնի հոգեւորականները, որ առանց այն էլ շատ էին տուժում մահմեդականների տեղի-անտեղի

այցելություններից, շաբաթներով նրանց շքեղ կերուխումով հյուրասիրություններից, հանդիսավորությամբ գալիս են մահմեդականների՝ Հասան-Հուսեյնի սուգը մեղմելու եւ իրենց ընծաներով նրանց պատվելու։

Արովյանը, իհարկե, տարատեսակ հոգեւորականների է հանդես բերել վեպում։ Ոմանց մա արժանացրել է խստագույն ծաղրի՝ դատապարտելով նրանց տգիտությունն ու ընչաքաղցությունը։ Քանաքեռի անգրագետ տեր Մարկոսը, օրինակ, որ պատիվ՝ համառոտագրություն կարդալ չգիտի եւ «սխ»-ը «սոխ» կամ «սխտոր» է կարդում, իր ձախողման համար մեղադրում է կամ ակնոցին, կամ մոնը լավ չբռնած մոնթին, կամ անտեղի բարկանում տիրացուի վրա։ Բայց մա, որսկան շան ման հոտոտելով, գտնում ու կանգնում է մեռելաթաղի կերակուրների գլխին՝ անամոթ պահանջներով, խմիչք եւ ուտելիք է ուզում եւ մեռելը դեռ գերեզման չիջեցրած՝ կողոպուտը՝ հանգուցյալի հագուստներն է ուզում։ Սրանց ու մամանների առիթով է Արովյանը հիշում «Սար ու ձոր՝ տերտերի փոր» ժողովրդական ընդհանրացնող խոսքը, բայց սրանց կողքին կան եւ ուայլ հոգեւորականներ՝ իր անօրինակ քաջությամբ տարածաշրջանում հայտնի Գրիգոր Մանուչարյան եպիսկոպոսը եւ լուսամիտ Ներսես Աշտարակեցին։

Տեղին է թուրք մուլլաների ու մեր տերտերների աբովյանական համեմատությունը։ Մեր քահանաները չեն գբաղվել մատաղ սերնդի գոնե գրաճանաչության հարցով, իսկ թուրք կամ պարսիկ մուլաները, առանց փողի՝ իրենց լամուկներին ձրի կարդացնելով, սերունդներ են դաստիարակել՝ իրենց հավատն ու նենգ նկրտումները քարոզելով եւ լեզուներ տոկորեցնելով. «Ամեն մեջըդի հայաթում, գեղ տեղերանքն էլ, մեկ մեծ վարժատուն կա, ուրտեղ երկու-երեք լեզու են սովորում. Մեր եկեղեցըքանց բակում ըսկի լազլազն էլ բուն չի՞ դիլ, բաս ի՞նչ կըլի, որ ազգի սիրտ էլ քիչ-քիչ հովանա» (նույն տեղում, էջ 77)։

Շարունակելի

Սամվել ՄՈՒՐԱԴՅԱՆ
Բանասիրական գիտ. դոկտոր,
պրոֆեսոր

ՄԿՐՏԻՉ ՊԵՇԻԿԹԱՇԼՅԱՆԻ ԴՐԱՄԱՏՈՒՐԳԻԱՆ



Տեսարան Բերայից

Սկիզբը՝ էջ 6

Այն սկսվում է ազգային կյանքի բարդ եւ աղետալի վիճակի նկարագրությամբ։ Նպատ լեռան ստորոտում հայոց արքա Արշակն ու նրա որդի Սիսակը խոսում են պարսիկների առաջխաղացման մասին։ Պատմական աղբյուրներից հայտնի է, որ հայոց Արշակ թագավորն ունեցել է մի որդի՝ Պապ անունով, որ թագավորել է հորից հետո։ Դրամայի սկզբում Սիսակը թռուցիկ խոսում է իր ավագ եղբոր՝ Պապի մասին, ով Պոլսում պանդխտության մեջ տառապում է։

Սիսակը հայտնի է, որ Սիսակը Պեշիկթաշյանի երեակայությամբ ստեղծված հերոս է եւ պատմական մախատիպ չունի։

Հայոց Արշակ արքան ծայրաստիճան հայրենասեր է. նա գերադասում է մեռնել, քան տեսնել, թե ինչպես է Հայաստանն իր սեփական ձեռքերով կործանվում։ Այդ օր-հասական պահին հայոց հոգեւոր առաջնորդ Ներսեսը կոչ է անում ապավինել Աստծու ողորմածությանը։

Հատկապես տպավորիչ են Շապուհի եւ Արշակի զրույցները, որտեղ հայոց արքան խիզախությամբ ասում է. «Բախտես ու կատաղութենե՞լ մեծ է իմ արիությունս. անարգ շղթաներով կապած են ձեռքերս, բայց մոռացած չեմ, որ արքունի գավազան կը կրեին ատենով» (Ս. Պեշիկթաշյան, *Երկերի լիակատար ժողովածու*, էջ 208)։ Նույնպիսի ջերմությամբ ու հանդիսավոր կերպով հնչում է Սիսակի խոսքը, երբ Շապուհը նրան բանտարկել է տալիս. «Գեղեցիկ ես,

հայրենիքդ իմ, պայծառ ու ծիծաղկոտ է քու արեւը, որ կը շողա ավերակացո՞ւ ու գերեզմաններու՞ վրա, մինակ բախտդ տխուր ու սեւ է։ Այլ չտեսնամ պիտի Հայաստանին երկինքն ու ցանկալի հողը, հոս երիտասարդ հասակս պիտի թռչնի, վասնզի հայրենյաց արեւուն ճառագայթները չեն ծագիր իմ վրաս» (Սույն տեղում, էջ 217)։ Սիսակը կռվի ժամանակ

փրկում է պարսից արքայորդի Որմիզդի կյանքը, եւ, ի նշան բարեկամության, նրանք փոխանակում են իրենց սրերը։

Անհուշ բերդում շղթայակապված Արշակ արքան իրեն է մեղադրում ստեղծված վիճակի համար։ Նա հայրենիքի վիշտը դարձնում է անձնական ողբերգության եւ տառապանքի պատճառ։ Ձղջունն ու ապաշխարանքը դառնում են ինքնախարագանման պատճառ։ Դրամայում Արշակի կերպարն առավելապես զգացմունքային հագեցվածություն ունի։

Որմիզդը Սիսակին ազատում է բանտից, բայց երբ նա հասնում է Անհուշ բերդ, Արշակն արդեն անձնասպան է լինում։ Ինքն իրեն չներելու փաստը Արշակին դրդում է ինքնասպանության, ինչն էլ վերջ է դնում հայոց արքայի տանջանքներին։ Նա մահանում է սիրատուն որդու գրկում՝ խոր վիշտ պատճառելով նրան։ Ներսեսի՝ հայոց ապագայի եւ հայկյան երիտասարդության պանծալի ապագայի սպասումով է ավարտվում դրաման. «Տե՛ր, Արշակին վրա գոհ ըլլա արդարությունդ. քեզմով մխիթարվի զորանա նոր Հայաստանը եւ Հայկյան երիտասարդությունը» (Ս. Պեշիկթաշյան, *Երկերի լիակատար ժողովածու*, էջ 208)։

«Վահան» դրաման հայրենասիրության եւ մարդկային զգացմունքների նրբին հագեցվածություն ունի։

Վահանը խոսում է հայոց երկրի աննախանձելի վիճակի մասին եւ ավելացնում, որ մեր ժողովրդին միշտ ուղեկցել

են մատնիչներն ու դավաճանները. «...նվ դժբախտ Հայաստան, քո ամեն ժողովքներու՞ մեջ, ուրեմն, միշտ մատնիչք ու դավաճանք պակաս պիտի չըլլան վսեմ ու մեծամեծ խորհրդոց հակառակելու, սիրո եւ միության կապերը քակելու. վաթսուն հազար հայոց քաջերու սուրերը եթե չի կրցան պարսից լուծը թոթափել տալ, քեզի պես անօրենի մը չարությունը եղավ արգելք, ու նզովելի Վասակ մը մեծին Վարդանա բախտին անիվը կոտրեց...» (Սույն տեղում, էջ 233)։ Սակայն այս դրամայում խնդիրը միայն հայրենասիրությունը չէ. Վահան Մամիկոնյանի որդիներից Սուրենը սիրահարվել է պարսկուհի Ասթինին եւ անձնատուր եղել՝ բնակություն հաստատելով այնտեղ։ Դրամայում գործողությունների առաջնիշ ուժը սերն է, որից էլ բխում է հերոսների զգացմունքայնությունը։ Վահանի համար անընդունելի էր, որ իր որդին սիրում էր թշնամի ազգի զավակ Ասթինին։ Նա անզիջում էր այդ հարցում եւ անողոք՝ իր բնութագրումներում. «Արժանի է իմ անմահ ատելությանս այդ կախարդ աղջիկը, որ մոռացնել տվավ քեզի քու ամեն սուրբ պարտքերդ ու ամոթապարտ ճանփու վրա սահեցուց քեզ. ու դուն դեռ զինքը կը հիշես, դեռ սրտիդ մեջ...» (Ս. Պեշիկթաշյան, *Երկերի լիակատար ժողովածու*, էջ 237)։

Սուրենը հայրենադավ հերոս է, բայց միաժամանակ սիրում է իր հայրենիքն ու հայրատանում դրամով. «Նվաճյալ է Հայաստան, բայց ո՛չ երբեք հաղթված, ազգանվեր մատնիչներու հայրենիք է, բայց ավելի շատ՝ առաքինի ու անպարտելի դյուցազնաց» (Սույն տեղում, էջ 241)։

Բավական ինքնատիպ սյուժետով առանձնանում է «Վահե» դրաման։ Այստեղ պատմական իրադարձություններն ու հերոսների զգացմունքները միասնաբար են համդեւ գալիս։ Դրամայի գործողությունները զարգանում են հայոց թագավորի դստեր՝ Արուսյակի սիրո շուրջ, թեպետ որպես հերոսուհու՝ նրան դրամայում չենք տեսնում։ Նրա բոցավառ սերը հայրենյաց թշվառության եւ դավաճանության պատճառ է դառնում։ Հոգեբանական բարդություններն ստեղծվում են անձնական երջանկության եւ քաղաքական բախումների հետեւանքով։

Ազատության եւ ինքնիշխանության վեհ գիտակցումն ընդգծված կերպով արտահայտված է Վահեի կերպարում. «Ազատությունը նախ եւ առաջ մեր անմատուց լեռներումն մեջ ապաստան մը գտավ, եւ

հայերը անոր անդրանիկ ծնունդներն են։ Վահե չի կրնար մատնիչ ըլլալ յուր ազգին բախտին ու փառացը. ազատության կործանումը տակ կը ճնի, բայց ճակատը չի խոնարհեցնե՞ր հարստահար բռնության դիմաց» (Սույն տեղում, էջ 267)։ Վահեն եւ Արտավազդը դառնում են գաղափարական հակառակորդներ։ Եթե առաջինի համար կարեւոր է երկրի քաղաքական վիճակը, ապա Արտավազդի համար ճշմարիտ ու անբիծ սերը վեր է ամեն ինչից։ Այս հերոսների բախումից էլ ծնվում է երկուստեք ողբերգություն, որ դառնում է երիտասարդ Արտավազդի եւ Արուսյակի ճակատագրերի կործանման պատճառ։

Արտավազդը, վրեժխնդրության ծայրավոր տարված, ամեն հնարավորն անում է Վահեին թշնամու ճիրանները զցելու համար։ Տպավորիչ են երկու հերոսների զրույցները, որոնցով բացահայտվում են նրանց նկրտումները։ Դրամայում անհատի զգացմունքներն ու ապրումները կարեւոր են եւ փոխադրամանավորված։

Դրամայի հերոսներից Զարմայրը՝ Վահեի որդին, առանձնակի ջերմությամբ եւ կարեկցանքով է խոսում Արուսյակի մասին. «...հայրենիք եւ սեր իրարու հետ մեծամարտեցան մահացու հարվածներով սրտին մեջ ու արյունվա ըրին գայն. զոհվեց ինքը սերը եւ անոր հետ մեկտեղ յուր կենաց երջանկությունը հայրենյաց սեղանին վրա ու նետահար թռչնո մը պես ինկավ Սոսյաց անտառին սրբազան ստվերացը մեջ՝ երկու սիրելի անուններ միշտ բերնին մեջ մրմնջելով. Վահե եւ Արտավազդ» (Սույն տեղում, էջ 260)։

Դրամայի վերջում Վահեն ցավ է ապրում Արուսյակի թշվառ ճակատագրի համար, ով Սոսյաց անտառում մեռնաստանում անցկացնում է իր կյանքի տխուր օրերը։

Սկսած Պեշիկթաշյանի պիեսները հայ դրամատուրգիայի առաջնային նշանակություն ունեցող երկերից են։ Կերտելով խորապես հայկական միջավայր՝ հեղինակը պատմական դրամատիկ կյանքի ծնունդ առած դեպքերը դարձրեց մտահոգության խնդիր։ Իր դրամաներում նա արծարծեց արդիական հնչեղություն ունեցող թեմաներ, որոնք նպատակ էին հետապնդում անհանդուրժողականություն դրսևորել արատավոր բարքերի ու ազգային կյանքի բնականոն ընթացքը խաթարող երեւոյթների դեմ։

ԱՆՆԱ ԹՈՐՈՍՅԱՆ

Ստալինյան բռնաճնշումները եւ հայ գրողների մարդկային ու ստեղծագործական ճակատագիրը

Սկիզբը՝ էջ 6

Մոռանում են, որ Հայրենականի հաղթանակն արժեցավ 27 միլիոն մարդկային կյանք, որ ընդամենը պաշտոնական թիվն է, իսկ իրականում մարդկային կորուստների թիվը՝ ավելացրած նաեւ անհայտ կորածներին, գերությունից չվերադարձածներին ու փախածներին, անցնում է 50 միլիոնը։

Այնպես որ զգուշացե՛ք՝ Ստալինը... վերադառնում է, որ նշանակում է՝ չարիքն արթնանում է՝ ընդդեմ ժողովրդավարական այնպիսի նվաճումների, որպիսիք են խոսքի ազատությունը, մարդու իրավունքը եւ ազգերի ինքնորոշումը։

1980-2000-ական թվականներին Ռուսաստանում ստալինյան հալածանքները բացահայտող գրքեր էին ու մեկնաբանություններ, իսկ այսօր դնում են նրա արձանները եւ նրա նկարը դրոշ արած՝ երթի դուրս գալիս։

Սիսակը վկայություն։

ՌԴ քաղաքական գործիչ, «Նոր շարժում» հոսանքի ղեկավար Սերգեյ Երվանդի Կուրդիմյանը ռուսական հեռուստատեսությամբ Վ. Սոլովյովի «Երեկո» եւ «Մենամարտ» (16. 02. 21017) հաղոր-

դումների ժամանակ բառացիորեն հայտարարեց. «Ես բռնադատվածի թոռ եմ, պապս եղել է զինվորական, ում բռնադատել են ու սպանել, բայց ես արդարացնում եմ Ստալինի քաղաքականությունը»։ «Մենամարտ»-ում հաղթեց ստալինապաշտ Կուրդիմյանը, պարտվեց հակաստալինյան Լեոնիդ Գոզման՝ ձայների 14177 / 723 հարաբերակցությամբ։

Ըստ վիճակագրության՝ մեկ տարում՝ 2016-ի մարտից մինչեւ 2017-ի մարտ, հանրային կարծիքը ՌԴ-ում Ստալինի օգտին աճել է՝ 37-ից հասնելով 47 տոկոսի։

ՌԴ ԳԱ ակադեմիկոս, պատմաբան Յուրի Պիվովարովը նույն Սոլովյովի՝ այս անգամ «Կիրակնօրյա երեկո» (24. 09. 2017) հաղորդման ժամանակ հայտարարեց. «Մենք ստալինյան Ռուսաստան ենք։ Մերը Ստալինն է։ Բոլոր քաղաքներում պետք է դրվի Ստալինի արձանը, եւ նրա անունով պետք է անվանակոչվեն փողոցներ, հրապարակներ, մետրոպոլիտենի կայարաններ»։

Այնպես որ զգուշացե՛ք՝ Ստալինը ... վերադառնում է...

Դավիթ ԳԱՄԴԱՐՅԱՆ
Բանասիրական գիտ. դոկտոր,
պրոֆեսոր

Համաշխարհային եւ ավանդական կրոնների առաջնորդների 6-րդ համագումարը Աստանայում

Հոկտեմբերի 10-11-ը Ղազախստանի Հանրապետության մայրաքաղաք Աստանայում տեղի ունեցավ Համաշխարհային եւ ավանդական կրոնների առաջնորդների 6-րդ համագումարը, որին, Ամենայն Հայոց Կաթողիկոսի օրհնությամբ, Հայաստանյայց Առաքելական Ս. Եկեղեցին ներկայացրեցին Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը եւ Ուկրաինայի հայոց թեմի առաջնորդ, համագումարի գործադիր կոմիտեում Հայ Եկեղեցու ներկայացուցիչ Մարկոս եպս Հովհաննիսյանը։

«Կրոնական առաջնորդները հանում անվտանգ աշխարհի» լիազումար միստից հետո՝ երկօրյա ժողովի ընթացքում, տեղի ունեցան առանձին քննարկումներ՝ «Աշխարհ. 21 դար» հայտարարությունն իբրեւ համաշխարհային անվտանգության հայեցակարգ», «Կրոնները փոփոխվող աշխարհաքաղաքականության մեջ. նոր հնարավորություններ մարդկության համախմբման համար», «Կրոնը եւ համաշխարհայնացումը. մարտահրավերներ ու պատասխաններ» եւ «Կրոնական առաջնորդներն ու քաղաքական գործիչները ծայրահեղականության եւ

ահաբեկչության հաղթահարման գործում» թեմաներով։

Համագումարի շրջանակներում կատարվեց նաեւ հաղաղության եւ համերաշխության թանգարանի պաշտոնական բացումը։

ՔՐԻՍՏՈՆՅԱՆ ՀԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»

թերթի խմբագրություն

Գլխավոր խմբագիր՝

Աստղիկ Ստամբոլցյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ 517197

Էլ.փոստ՝ gristhay@etchmiadzin.am

astghikstam@gmail.com

web կայք՝

krishayas.wordpress.com

Ստոր. տպագր. 17.10.2018 թ.

Տպաքանակը՝ 1175